

LIPONAHATSO TSE HLANO TSE

TIILENG TSA KEREKE EA 'NETE EA

MOLIMO O PHELANG

Ke a u leboha, Moena Neville, Morena a u hlohonolofatse. Ruri ke monyetla ho ba mona bosiung bona. Ke thabetsa ha Molimo a re lumeletse ho etsa hoo. Ke batla ke swabela dikhamera. Ke rata... Le ka tsoela pele, la li nka. Ho itoketse. Ke mpa ke li shebile feela. Kea utloa hore li teng. 'Me ho itoketse. Ho itoketse. Joale, ho mpa ho futhumetse. Re bile le Melaetsa e 'meli e meholo ho tsoa ho Morena. 'Me joale bosiung bona, ke nahana, ka ho bona...

2 Metswalle ea ka e mengata e tlamehileng ho khanna litsela tse telele e teng mona, ba bang ba tlase Kentucky. Ho bona Moena Welch Evans le lelapa la hae mona ho tsoa Tifton, Georgia. Ke kopane le batho ba tsoang California mona. Ba bang mona ba tswa Jeremane le libakeng tse fapaneng, ho tla koano sets'eng se le seng sena se se nyenyane, ho sebeletsa Morena. 'Me ke bona Khaitseli Nellie Cox. Kea kholoa matsala'e le ba bang ba bona ba teng. Etsoe, mohlomong ba tla qeta limaele tse ngata ba khutlela Kentucky bosiung bona, Georgia, ho kena Tennessee, ho nyolohela Ohio, metsoalle ea ka mona. Motsoalle e mong mono, Moena Ted Dudley, o tsoa koana Phoenix, Arizona. Ho na le ba bang, ba bangata mona, ha nka khona ho bitsa mabitso a bona feela, ba tlie mona kajeno ho re etela. Lipheresente tse mashome a robong tsa bona ha ke eso li ts'oare ka matsoho. Ke bona metsoalle ea ka e tsoang Chicago, le hohle feela. Ke batho ba bakae mona ba tsoang ka ntle ho motse, phahamisang matsoho a lona. Lipheresente tse mashome a robong tsa phutheho, joale, li etsoa ke metsoalle e tsoang likerekeng tse fapaneng hohle naheng.

3 'Me ke rerile nako e telele hoseng hona, ka rapella bakuli ho fihla ka mashome a mararo ka morao ho hora ea pele, ka baka leo ke batla chele lentsoe. 'Me ke tlamehile ho rera nakoana ho iphumana, hoo re ho bitsang, gere ea bobeli, pele.

4 Moena Lee Vayle ke eo, ha ke eso tsukutle matsoho a hae, e mong oa batlatci ba ka; kereke ea Baptist, Ohio.

5 Na ke uena, Ben? [Moena Ben Bryant o re, "Amen."—Mong.] Ha ke eso u utloe u re "amen" le joale, nka be ke u tsebile. Bohle ba tseba Moena Ben. 'Me kea tseba hore

o tsoa ka ntle ho motse, ka baka leo ha ke tsebe feela... U tsoa kae joale, Moena Ben? [“Che, re koana North Borden, Indiana, moena.”] Borden, Indiana.

⁶ Re thabetshe ho ba ‘moho le e mong le e mong mona. Joale nke ke ka le ts’oarella nako e telele, kaha le tlamehile ho qhoba limaele tse ngata. Eka nka be ke khona ho ea le e mong le e mong oa lona hae bosiung bona. Ke tiile ruri ka taba eo. Ke tlamehile ho tsamaea ka bo hora ea boraro, pakeng tsa hora ea boraro le ea bone mesong, ‘me eka nka—nka tsamaea le lona. Ke bona motsoalle oa ka ea tsoang Arkansas mona, mosali oa hae. Ana ha se uena monna eo re ne re... Morena a buileng le eena ka lintho tsena ka mona bosiu bo bong? Eka e ne e le uena. Ha u sheba hohle feela, u bona metsoalle ea khale le e mecha. Ka hona, Molimo o tseba merero ea pelo ea ka, hore ke rata ho le bona, le ho le isa lapeng ‘me re qoqe hamonate. Empa re tla etsa joalo ka tsatsi le leng, Moo u sa tl’u tlameha ho re, “Re tlamehile ho potlaka. Ke tlamehile ho lata bana. Motha e mong o a kula.” Hoo hohle ho tla be ho fetile, Tsatsi le leholo leo. Eka re ka kopana hangata.

⁷ Joale, ke morero oa ka, ha ke sa ntse ke emetse Morena joale, ho fumana tsela ea ka. Joale, Labobeli, ke tla hloka thapelo hampe ho feta pele bophelong ba ka. Ke tla le kopa hore le tla nthapella na. [Phutheho e re, “Amen.”—Mong.] Ke—ke tla hloka lithapelo tsa lona. Le etse bonneta ba ho nthapella. Ho ea kamoo moea o fetohang kateng, Labobeli, le ka bolela ntho e kholo ho ‘na, le ho Kereke le bakeng sa tsela ea Kreste. Ka hona le etse bonneta ba ho nthapella.

⁸ Joale, hape, pele ke fumana moo tsela ea ka e eang teng le hore ke etse’ng, ke ntse ke emetse Morena. Khabareng, ke tla lika-lika tabernakeleng mona, ho kena le ho tsoa, ke rera, ke rapella bakuli, ke etsa sohle seo nka se etsang. Ka tsatsi le leng, re batla, ha ‘muso o sa re thibele, re batla ho haha kereke mona, kereke e ntle moo re ka lulisang bongata, lebala le leholo, le balkoni, le lintho tse joalo, e tle be kereke e ntle haholo, e kentsoeng morero o laolang moea, batho ba tle ba lule ka boiketlo, ba mamele lits’ebeletso, ha ba ka re lumella ho etsa joalo. Re ts’epa joalo. Joale, le re rapelle.

⁹ ’Me joale, bosiung bona, re tlil’o atamela temana eo ke e ts’episitseng, hoseng hona, ha Morena a ratile, ho bua ka eona, bosiung bona. ’Me mohlomong, e tla batla, eba thuto, ka baka la lentsoe. Ke batla ho bua, bosiung bona, ka: *Liponahatso Tse Hlano Tse Tiileng Tsa Kereke Ea ’Nete Ea Molimo O Phelang*. Linetefatso tse hlano tse tiileng tsa Kereke ea ’nete, kapa liponahatso, ke rialo, tsa Kereke ea ’nete!

¹⁰ Joale, pele re atamela temana e kholo ena e matla, ke tla kopa polelo ea thapelo. ’Me ke tla kopa molisa oa rona, Moena Neville, ho tla koano ho rapella Lentsoe la Molimo. Re sa

phetla, kaofela ha rona, ho Mohalaleli Mattheu, khaolong ea 16, temana ea 18, ho qala feela, Mohalaleli Mattheu 16:18, Moena Neville a sa tla rapela thapelo ea mats'eliso.

[Moena Orman Neville o rapela thapelo e latelang—Mong.]

[“Ntata rona ea Maholimong, re thabetse hona haholo, monyetla o mong hape le ts'oanelo eo re e neiloeng, ka mohau oa Hao o moholo, o hlolang ka ho sa feleng. Re lebohela khulo le thefulo, le botsamaisi ba Moea o Halalelang. Rea ananela, Molimo oa rona, ha U le Molimo eo ea theohileng ho kena ka ho rona le ho ba le rona, ho isa pheletsong ea lefats'e lena.”] E.

[“Ntate, mathata a maholo le liteko tsa hosasa li tla fokola ha feela re ka khona ho ts'oara letsoho la Hao le ho tsamaea re feta le Uena.”] Ruri, Morena. [“Rea rapela, Morena, hore U re fe ho utloelana bohloko, ka botebo, re ntse re tseba hobane ha e mong a kene molekong o tebileng, le tekong e thata-thata, le rona, hape, ka le leng la matsatsi ana, re tla feta maemong a ts'oanang le ao. Molimo, kenya Moea oa Jesu ka ho rona, ho fihlela re utloelana bohloko, hoo, bonngoe bo tla ba teng hara rona, ho fihlela re U sebeletsa, hammoho.”] E.

[“Ntate, rea U leboha bosiung bona, ka hona, ntho e 'ngoe, monyetla oo re o filoeng, ho lula tlasa thuto ea mohlanka oa Hao eo U mo tlotsitseng, eo U mo khethetseng phaposi ena.”] Kea U leboha. [“Eo U boneng ho mo ts'oanela ho re fa monyetla oa ho kena ka hare, tlasa melemo ea ts'ebeletso ena. Mo hlohonolofatse le rona, 'moho, ka...ka ts'ebeletso ena e beiloeng holima hae.”] Fana ka sena. E.

[“Ntate, rea rapela matsatsing ana a tla latela veke e tlang, ha re bitsa ho Uena ka tsela ena ea moemeli, re bua lipelong tsa rona, re re, 'Molimo, ere ka ha U re boleletse hore ntho ka 'ngoe eo re e buang, e tla ba joaloka ha re e bua, ha re fela re ka lumela ra ts'epa ra U mamela.' Ka baka leo, Morena, matsatsi ana a latelang e tla ba teko ho moena oa ka, le moena oa rona, le mohlanka oa Hao. Oho Molimo, re mo laeletsa ho Uena, haholo-holo, ka Lebitso la Morena Jesu, le ho rapela hore U tle u mo pate ka ts'ireletso ea Leholimo le hlohonolofatso a eso e tsebe pele.”] Fana ka sena, Morena. Etsa joalo, Morena.

[“Molimo oa ka, re U rapela ho tima matla a mang le a mang a hlalefileng a tla hlaha, ho leka ho eka kapa ho leka ho khelosetsa ka thoko.”] Fana ka sena, Morena. [“Molomo oa hae o ke o ahlame o bue mantsoe a bohlale ha ho hlaha monyetla oa ho bua.”] E, Morena. [“Oho Morena, rea U leboha, Molimo oa rona, ha U ile oa hlahisa bahlanka bohle ba Hao, mengoaeng eohle.”] E. [“Me Moea o Halalelang esale o lekane ho hlahisa pheteli-a-phete e emang ponts'eng ea banna ba rutehileng le ba hlalefileng.”] E, Morena.

[“Re kopa Uena, Ntata rona, ho re tsamaisa ka boikokobetso le ka bonolo, le ka pel'a Hao, Oho Morena Jesu.

Ha re ka etsa thato ea Hao feela ra ba ra utloa Boteng ba Hao. Eba le rona joale. 'Me, Oho Molimo, re U rapela ho kenya pokon e phethahetseng ka ho rona, hoo e tla tla, e sa hatelloe, empa thoriso e ke e tsoe ho rona, ka tlolo."] Oho Molimo!

[“Oho, Morena oa ka, bosiung bona, phethela letsatsi lena le babatsehang leo U tlileng ka lona ho folisa bakuli, le ho lopolla ba lahlehileng, le ho re etela, ho hlatsoa lipelo tsa ba sa hloekang.”] E! . . . ? . . . [“Joale, Morena, laola bosiung bona, ts’ebpletsong ena, le ho hlohonolofatsa ‘metso oa moena’ rona. U be u hlohonolofatse Lentsoe Le sa tsoa le phalla. Re ke re fuoe lipelo le likelello tse amohelang. ’Me, Oho Molimo, joale amohela thoriso ea rona ho lona, ka Lebitso la Jesu. Amen, Amen hape.”] Amen.

¹¹ Na o hlile o buletsoe? Na o buletsoe kaofela? E o buletsoe kaofela? [Motho o re, “O buletsoe kaofela.”—Mong.] Na ke oona maeke, maeke o lokileng? [“Ka bobeli.”] Le nkutloa hantle? Ka morao-rao, le a nkutloa? [“Amen.”] Ho lokile. Hantle.

¹² Ke lakalitse ho bala joale Bukeng ea Mattheu, khaolong ea 16 le temana ea 18. Ke tla qala ka temana ea 17.

Jesu a araba a re ho eena, U lehlohonolo, Simone mor'a Jona: . . . ha se nama le mali a u koaholletseng, empa e le Ntate ea maholimong.

. . . ke re ho uena, U Petrose, 'me ka holim'a lejoe leo ke tla haha kereke ea ka; 'me likhoro tsa ngalo ea bafu ha li ka ke tsa e hlola.

¹³ Molimo a eketse mahlohonolo a Hae Lentsoeng la Hae. Lentsoe Kereke, holim'a temana efe feela eo ke e khethileng bosiung bona, ho bua le lona ka eona, e 'ngoe ea tsona ke: Kereke ke eng? E theiloe ke mang? Molaetsa oa Eona ke ofe? Re fetoha setho sa Eona joang? 'Me na re ka fihla Leholidong re se setho sa Eona?

Joale, sehloho se seng le se seng ho tseo se ka qeta lihora, ha u li phophotha o ea pele le morao. Empa ke lakalitse ho ama lintlha tsa sehlooho, ho bonts'a seo Kereke ea 'nete e leng sona. 'Me, joale, ke batla le ts'oare Libibele tsa lona.

¹⁴ Joale, tabeng ea pele, lentsoe Kereke, ka bolona, le bolela, “ba Bitsitsoeng.”

Joale, Israele e ne e se *kereke* ea Molimo ha feela ba ntse ba le ka har'a Egepeta. E ne e le *batho* ba Molimo. 'Me ea re ha Molimo o ba bitsa o ba nts'a Egepeta, ba fetoha *kereke* ea Molimo, kahobane e ne e le “ba bitsitsoeng.”

Joale, ho sa lutse ho le joalo kajeno. Lentsoe Kereke le bolela “ba Bitsitsoeng,” bao ba bitsitsoeng, ba ikarohantseng, ba fetotseng.

¹⁵ Joale, ka Testamenteng ea Khale, Kereke e tsejoang e ne e bitsoa “Muso oa Molimo,” 'Muso oa Molimo. Joale, taba ena

ke nkile ho likronike tsa Bibele. Testamente ea Khale, Kereke e ne e bitsoa "Muso oa Molimo." Ka mantsoe a mang, Molimo ke Morena, 'me Kereke ke "Muso oa Hae. "Muso oa Molimo," Testamente ea Khale.

¹⁶ Ka Testamenteng e Ncha, E bitsoa "Empire ea bo-Messia." Khele, ke rata hoo, ea bo-Messia. Ka mantsoe a mang, "Empire ea Messia," moo Messia A busang a renang teng. Ha ho marako a liphutheho tsa bolumeli kapa letho, Messia o busa Empire-ng ea Hae. Ana ha se mohopolo o babatsehang? Empire ea bo-Messia. Ka baka leo, Kereke ha se mokhatlo, Kereke ha se phutheho ea batho. Kereke ke batho ba Molimo ba bitsitsoeng ba ba ba nts'oa lefats'eng, ho sebeletsa 'Muso o mong.

¹⁷ Taba ena e hloka ho boleloa. Likhoeli tse 'maloa tse fetileng, 'na le mosali re ne re theohela levenkeleng. Eaba re fumana ntho e makatsang, ho e-na le mosali seterateng, a apere sekhete. Ah, le ke ke la e lumela, empa qetellong ra fumana e mong. Eaba mosali o re ho 'na, "Be, re tla sheba ntho eo."

¹⁸ Ka re, "O ts'oanetse e be e le Mokreste. O fapane haholo." Ke lihlong.

¹⁹ Eaba potso ea hlaha, "Hobane'ng, Billy, rona, joale ka Bakreste, le Tumelo ena eo re lumelang ho eona, hobaneng re qophella basali ba rona ho apara mese, ho its'oara joalo? Batho ba likereke tse ling ha ba etse joalo ke'ng? Ba apara liaparo tse joalo, liaparo tse nyelisehang, ebe hobaneng ho le joalo? U ke ke ua re mekhoa ea bona e mebe."

²⁰ Ka re, "Ke 'nete. Ha ke ahlole motho. Empa, ha motho o ba bona, 'Le ba tseba ka ho bea ha bona.' Mohlomong ha ba tlole molao kannete'nete, empa moea o teng o ba susumetsang ho its'oara hampe."

²¹ Jesu o itse, "Ea shebang mosali ho mo lakatsa, o se a mo febile pelong ea hae." Joale, mohla mohetene eo a tlamehileng ho ikarabella bofebe, ea molato e tla be e le mang? Mosali ea ileng a its'oara joalo. Mohlomong u hloekile joaloka mohalalitsoe, ka boits'oaro. Empa ha u ile oa ikakhela ka pel'a batho, ka mokhoa o sa hloekang, leha u se molato oa ketso eo, u entse hore monna a u nahanele hampe, ke phoso ea hao. Jesu o itse u tla ahloleloa "ho feba." Homme, "Ha ho mofebi ea tla kena Leholidong."

²² Empa, ha ke haola ke potoloha lefats'e, ke fumana sechaba ka seng se ena le moea oa sona. 'Me lichaba tsohle li laoloa ke Liabolosi. Mebuso eohle e busoa ke Liabolosi. Bibele e itsalo. E a loana, e a loants'ana, 'me e tla etsa joalo ho fihlela Jesu a khutla, 'me A ntoo thea 'Muso moo ntoa e ke keng ea ba teng. Empa Satane o itse mebuso eohle ea lefats'e e ne e le ea hae, 'me o etsa ka ho rata ka eona, hantle ka pel'a Jesu Kreste. 'Me ke lisebelisoa tsa Satane kaofela, mebuso ea Satane. Satane o ile a re ho Jesu, "Ke tla U fa eona ha U ka nkhumamela."

²³ Jesu o na a tseba hobane E tla ba mojalefa oa lona, lilemong tse Sekete, ka hona A re, "Tloha, Satane." A tseba hobane Molimo o tla Mo fa mebuso eohle, 'me e tla ba ea Hae, 'me eohle e be 'Muso o le mong.

²⁴ Ha u kena Jeremane, u fumana moea oa Jeremane. U kena Engelane, u fumana moea oa Senyesemane. U kena Sweden, u fumana moea oa mo-Swedish. U kena Fora, u fumana moea oa mo-Fora. U kena Amerika, u fumana moea oa mo-Amerika.

²⁵ Ke ile ka ema San Angelo, mane Roma, nakoana e fetileng, 'me ke batla ho bond mamena. 'Me ho makaleng ka, ebole e le khalemelo, joaleka mo-Amerika, ka pel'a khoro ea mamena moo u kenang le teng, ho thoe, "Ho basali ba Amerika: le apare liaparo le hlomphe bafu pele le kena mona hle." Ha sechaba se nyehla hakaalo, ho a nyarosa, ha re fihla boemong boo. Ka baka leo le a bona, kahobane...

Ke ile ka botsa mosali ka mohla, "U Mokreste na?"

²⁶ A re, "Ke mo-Amerika. Ehlile, ke eena." Ke taba e thoko le eona eo.

²⁷ Moena Bosworth o kile a botsa e mong, bosiu bo bong, ho re, "U Mokreste, khaitseli?"

²⁸ Ho re, "Ke batla ha u ka utloisia, hore ke hotetsa kerese bosiu bo bong le bo bong." Eka hoja ho hotetsa kerese e le ketso e amanang le Bokreste, ho hotetsa kerese. Bokreste ha bo etsoe ke lintho tse kang tseo. 'Me le Kereke ea Molimo ha ea theoa ka lintho tse kang tseo.

²⁹ Joale, ho qosang basali... Ha re qophelle basali bao ho etsa joalo. Ha re qophelle banna ba rona ho lesa ho noa, ho se hlapanye. Re mpa re bolela Evangeli, 'me re bea paterone ea Bibe. Banna ba bangata ba fihlang litumelong tsa Pentekosta le litumelong tsa khalalelo, baa fihla 'me ba ipolela joalo, athe ha se bona, pelong tsa bona. Basali ba bangata ba etsa eona ntho eo. Ha re ba laele ho etsa hoo. Re mpa re ba beela paterone. Ho ba bolella seo Bibe e se buang, 'me ha ba tsoetsoe ke Moea oa Leholido, joale moea oa bona ha o sa hlola o leolitsoe ke Amerika, ha o sa hlola o leolitsoe ke Jeremane. O leolitsoe ke Leholido, mono, 'Muso oa Molimo. Hobane, re 'musong o mong, 'Muso oa Molimo, moo boits'oaro, khalalelo, le matla li leng teng.

³⁰ Re na le katamelo ho Morena oa rona. Re buisana le Eena sephiring nako le nako ha re batla ho bitsa ho Eena. Ha re na babuelli ba bang, moemeli e mong pakeng tsa rona le Morena ha eo, ha e se Monna a le mong eo, Kreste Jesu. Ka baka leo re phela 'Musong. 'Me o bitsoa, ho latela masika a Bibe, "oa Messia, 'Muso oa Messia." Ka mantsoe a mang, moo Messia a busang bophelo bo bong le bo bong Pusong ea Hae, ho busa maphelo a batho ba Hae, batho ba bitsitsoeng ba tsoa

mehlahlong eohle ea bophelo, ho ba bokella 'moho jwaleka seholpha, le ho Se bitsa, "Kereke ea Hae," kapa "Batho ba Hae ba Bitsitsoeng." Ana ha se ntho e ntle eo? [Phutheho e re, "Amen."—Mong.]

³¹ Joale, Iseraele e ne e le *batho* ba Molimo ho fihlela (re fumana ho Liketso 7:38, ha u nts'u ngola) mohlang oo ba bitsoa *kereke* ea Molimo, kahobane ba ne ba bitsitsoe ke Molimo, ho tsoa Egepeta, ho tsoa lefats'eng, hole le likereke tse ling, hole le litumelo tse ling, ho tsamaea le Molimo a 'nots'i.

³² 'Me, joale, kajeno Kereke ea Molimo ke ntho e ts'oanang, ke ho bitsoa nthong e 'ngoe le e 'ngoe ea lefats'e, ke ho bitsoa mokheng o mong le o mong oa borapeli, ho bitsoa phuthehong e 'ngoe le e 'ngoe ea borapeli, ho bitsoa borapeling bo bong le bo bong ba mokhatlo, ho tsamaea le Molimo. E seng ho busoa ke bishopo, empa ho busoa ke Kreste, 'Musong 'ona oo re phelang ho 'ona oa Messia. Kreste ke Morena. Kreste ke Eena feela.

³³ Joale, Kreste ke Hloho ea ntho ena. Kreste ke Hloho ea 'Muso ona oa Messia. 'Me u ke ke ua hlophisa 'Muso oo Kreste e leng Hloho ea oona. U ke ke ua hlophisa borapeli 'Musong oo Kreste e leng Hloho. Hobane, Kreste ke Morena, 'me u ke ke ua nka mahlale a motho 'me ua etsa mokhatlo moo Kreste a tla busa teng. Ka baka leo, maquloana afe kapa afe, batho bafe kapa bafe, lihlopha life kapa life tsa banna, tse lekang ho hlophisa 'Muso oa Molimo, li sebetsa khahlano le Morena. 'Me ha li fela li sebetsa khahlano le Morena, e tla be e le khahlano le Morena. Ka baka leo ha e le khahlano le Morena, ke anti-Kreste. Taba eo e khohlighetse haholo. Hola ke ena le kolu e kholoanyane, re ne re tla e hlakisa ho feta-feta. Ke anti-Kreste. 'Me ha le ka 'mamella metsotso e 'maloa, ke tla e paka. Moea oa anti-Kreste o leka ho nka ba—batho o ba bitse ho ba nts'a mokhatlong o mong ho ea mokhatlong o mong, ho ba hlophisa 'moho, athe ha eso be thato ea Molimo le ka mohla. Batho ba 'nile ba nkhaledela kahobane ke rathile ka thata hakana khahlano le mekhatlo. Ha se khahlano le batho ba ka hare ka mono, bao ke ba rathang. Ke moea oo o busang o nahanisang batho joalo, "Rona ke rona batho."

³⁴ Batho ba Molimo ke batho ba Hae ba bitsitsoeng. Ke lumela ba le ka har'a phutheho e 'ngoe le e 'ngoe ea borapeli. E ka ba Katolike. E ka ba Protestanta. E ka ba Bojuda. E ka ba kereke ea mofuta ofe. Empa Kereke ea 'Nete ke 'Mele oa sephiri oa Jesu Kreste.

³⁵ Joale, u ke ke ua hlophisa 'Mele oa sephiri oa Kreste. Joale, motho mang le mang ea tlang ho Kreste, o tsoa lefats'eng, o kena ka ho Kreste, o kena 'Meleng oa Hae oa sephiri. 'Me u setho sa 'Mele oo ha u kenngoa ka har'a Kereke ena, ho biletsoa ka ntle le ho kolobeletsoa 'Meleng ona oa sephiri. Le a

e ts'oara? E seng Methodist, e seng Baptist, e seng Pentekosta, e seng Nazarene, e seng Pilgrim Holiness, e seng Katolike; empa 'Mele oa Jesu Kreste. Re tla e tebisa ho se hokae lipotsong tse ling, metsotsong e 'maloa, ha re kena likarolong tsa eona tse tebileng. Empa, 'Mele oa Kreste ke Kereke.

³⁶ Joale, O E ts'oantsitse libakeng tse ngata, joaleka monna le mosali. Kereke O e bitsa "Monyaluoa." 'Me monyalua ha a sa hlola a le teng, le monyali ha a hlola a le teng, batho ba babeli; ba bang. "Ke nama ea nama tsa hae le lesapo la lesapo la hae." 'Me hape ha monna kapa mosali ba biletsoa 'Meleng oa sephiri oa Kreste, ke Moea o Halalelang, ba fetoha setho se tletseng sa 'Mele ona ha ba tlatsitsoe ka Moea o Halalelang. Hobane, Molimo o ile oa nts'a Moea o ho Kreste, oa tsosa 'mele oa Hae oa o bea Teroneng ea Hae, le ho romela Moea o Halalelang ho bopa 'Mele oa sephiri oa Kreste, o tla kopana Selallong sa Lenyalo ho Khutleng ha Morena. U ke ke ua O hlophisa. Ke misteri.

³⁷ Jesu o itse ho Nikodema, "Moea o fokela moo o ratang teng. Ha u tsebe moo o tsoang le moo o eang teng. Ho joalo le ka ea tsoetsoeng ke Moea." U ke ke ua E utloisia. E tsoa sebakeng se seng. 'Me ha se Methodist. Ha se Baptist. Ha se Pentekosta. Ha se mokhatlo ofe feela. Ke Tsoalo, ho tsoalloa 'Musong oa Molimo.

³⁸ Joale, ho leka ho O hlophisa, ho e etsa anti-Kreste, kahobane ntho e 'ngoe le e 'ngoe e khahlano le Thuto ea Kreste ke anti-Kreste.

³⁹ Joale, ebe mokhatlo ona o qalile kae? Jesu, mohla A na a le lefats'eng, ha eso hlophise kereke efe kapa efe. O buile ka Kereke e tla tla, empa ha A eso hlophise kereke efe kapa efe. Ha ho eso ho be le kereke e hlophisoang, lilemo tse makholokholo ka morao ho lefufa la moapostola oa ho qetela. 'Me kereke ea pele lefats'eng e kileng ea hlophisoa, e ne e le kereke ea Roma e Katolike. Joale, ke na le *Pre-Nicene Fathers, Foxe Book Of Martyrs*, lingoloa tsa Josephus, tsa Pemberman *Early Ages*, le bangoli ba bang ba bangata ba boholo. 'Me ha ho sebaka, 'me ha ho a ngoloa kae kapa kae leqepheng la histori, moo kereke e kileng ea hlophisoa ho fihlela kereke ea Roma e Katolike e hlophisoa. 'Me ea fetoha mokhatlo, taba e neng e le khahlano le Molimo.

Joale, efela ha ntho e joalo e ne e tla latela... Khele, eka nka khona ho le fetisetsa taba ena. Efela ha ntho e joalo e ne e tla tla, 'me e ne e tla ba anti-Kreste e kaalo, ana Molimo o ne o sa tlo e tseba e sa le pele, ha eba E le Molimo o se nang pheletso? [Phutheho e re, "Amen."—Mong.] O hloka pheletso. Ana O na a ke ke a tseba ha lintho tsena li tla latela? 'Me ha efela e le ntho e ts'abehang hakana, na O na a sa tlo lemosa Kereke ea Hae e sa le pele? ["Amen."] Joale, ke kholoa le

fihleloa ke kutloisiso e hlaka-hlakileng le hobaneng ke khethula, e seng batho ba ka har'a mekhatlo, empa mekhatlo ka boits'oaro ba eona. E ke ke ea ba letho ha e se anti-Kreste, ho o mong le o mong wa eona.

⁴⁰ Joale u re, "Be butle, ke itse ha u ke u rera letho ha e se Bibebe."

⁴¹ Ha re lumelleng Bibebe ho e bolela, he. Ha re phetleng joale re bale nakoana. Phetlang le 'na ho Lits'enolo, khaolo ea 17. Ena ke ts'enolo ea Jesu Kreste, ho Kereke ea Hae, Kereke e bitsitsoeng. Ts'enolo 17. 'Me re tla leka ho e potlakisa ka moo ho khonehang. Empa joale sheba ha re bala.

...lengeloi le leng la a supileng a ts'oereng linkho
tse supileng, le tla ho 'na, la re...Tloo; 'me ke tla u
bonts'e kahlolo ea seotsoa se seholo se lutseng holim'a
metsi a mangata:

⁴² Joale, hona hohle ho ts'oants'itsoe, hobane ke ts'enolo ea Jesu Kreste, e tiisitsoeng. Na le ne le tseba hoo? Ke ntho e patiloeng, 'me e ka senoloa feela, e seng ka kelello ea nama, empa ho senoloa ke Moea o Halalelang ka lineo tsa Moea. "Ea hlalefileng a bale dipalo tsa sebata. Ea hlalefileng, neo ea bohlale, a etse sena a etse sane." Ena ke ts'enolo.

⁴³ Joale, mang le mang oa tseba hoba mosali ha a ts'oants'itsoe ka har'a Bibebe, e amana le kereke. Kereke ea Kreste e bitsoa "Monyaluoa." Pauluse o itse, "Ke le lebellelitse ho Kreste le le joale ka moroetsana ea se nang sekoli."

⁴⁴ Joale mona re bua ka mosali e moholo e leng mosadi ea mekhoa e mebe. "Tloo koano 'me Ke tla u bonts'a," Lengeloi la rialo ho Johanne, "kahlolo ea seotsoa se seholo se lutseng holim'a metsi a mangata." Joale, "mosali ea lutseng holim'a metsi a mangata," e utloahala e hlolla, empa kaofela ha eona e teng mona. Bibebe ea e hlalosa.

Joale ha re phetleng khaolong ea 15, re tle re khone... kapa temana ea 15, ke rialo, ea khaolo eona eo, le tle le bone seo eona—eona—eona—eona "metsi" a se bolelang.

*Eaba le re ho 'na, Metsi ao u a boneng, ao seotsoa se
lutseng ho 'ona, ke merabe, . . . mats'oele, . . . lichaba, le
lipuo.*

⁴⁵ Ka baka leo, *metsi* ao mosali a na a lutse ho 'ona, holim'a 'ona, o ne a laola "lichaba, merabe, mats'oele, le lipuo." O ne a li laola tsohle; mosali, mosali ea mekhoa e mebe.

Joale, ha eba mosali a its'oere hampe, ha re tseba mosali ea bitsoang joalo ka hlaho, e lebisitsoe ho—ho mosali, rea tseba o na a sa ts'epahale ho monna oa hae. O na a tla bitsoa joalo. Joale o na a ipea a ts'epahala ho monna, a mpa a phela ka ho ts'epahale ho eena. Ha ke re? [Phutheho e re, "Amen."—Mong.]

Joale, he, ena ke kereke e bitsang Kreste Monna oa eona, 'me thuto ea eona e thulana le Thuto ea Hae. Ke seotsoa. 'Me e laola batho le mats'olele le lichaba. "Tloo koano 'me Ke tla u bonts'a kahlolo ea hae." Joale re fumana sets'oants'o.

...seo marena a lefats'e a febileng le sona hangata,
le ba ahileng lefats'eng...tahiloeng ke veine ea
bootsoa ba hae.

⁴⁶ *Bofebe* ke eng? "Lits'ila; ho se hloeke." Ke seotsoa. Lits'ila li teng ho eena, 'me barui bohole ba lefats'e, marena le banna ba phahameng ba lichaba le mats'olele, ba febile le eena, 'me ba nkile bobe ba hae. Le bona moo e eang teng, ha ke re? [Phutheho e re, "Amen."—Mong.] Le a bona?

⁴⁷ Joale, ha se boikarabelo ba ka ha taba Ena e ngotsoe, empa ke jere boikarabelo ha ke sa E rute. Uh-huh. Re bua ka *kereke* joale. Joale, ha le ka elelloa, re sa tsoela pele hanyenyane.

*La nkisa ka moea felleng: 'me ka bona mosali ea
lutseng holim'a sebata se 'mala oa sekarelata,...*

⁴⁸ E reng ke ts'oarane le lipapiso tsena re sa tsoella joalo. Joale, *sekarelata* ke "bofubelu." Bofubelu, ka 'ng'e 'ngoe, ke 'mala o motle. Bofubelu, ka 'ng'e 'ngoe, ke 'mala o mobe, lebone le le fubelu, 'mala o kotsi, 'mala oa sekarelata. "O na a khabile ka 'mala oa sekarelata," bofubelu, seotsoa.

⁴⁹ "'Me o na a lutse holim'a sebata." *Sebata*, ka hara Bibele, se bolela "matla." Ha u ka elelloa, bareri ba bangata, ke ba bona ba riba-riba ka lihloho tsa bona, ke 'nete, kahobane e le baruti ba Bibele. *Sebata* se bolela "matla." Re bona libata tsena tsa–tsa Bibele, tsa Lits'enolo 13, le tsa Daniele, li nyoloha metsing; libata, matla, li nyoloha har'a batho.

⁵⁰ Empa na le lemohile? Ho Ts'enolo 13, mohla Linaha tse Kopaneng li ne li nyoloha, sona feela sebata Bibeleng, se nyolohileng, se sa kang sa tsoa metsing. Bibele e itse se nyolohile lefats'eng, moo batho ba ne ba le sieo. E ne e le 'muso o mocha ona. 'Me se ne se ts'oana le konyana, ka morao ho nakoana sa bua jwale ka drakone. Ke naha ena. E tlamehile ho etsahala. Ka tsatsi le leng ba tla etsa phoso 'me ba khethe motho ea fosahetseng. Ba tla hlahisa Joseph, kapa... "Faro ea sa tsebeng Josefa." Ba kile ba e leka, 'me ba tla boela ba e etsa, ha ba ka hloleha khetlong lena. Qetellong e tla fihla. Bibele e rialo. Ha ke ralipolotiki. Mahlakore a mabedi ao a khopame. Ke lahlela voutu ea ka ho Jesu Kreste. Ke Eena feela eo ke Mo thahasellang. Empa, ke a le bolella, le mpe le hlakole ligalase tsa lona joale, ha eba le lebeletse tokoloho ea bana ba lona. Ha ke tsebe e atametse hakae. Le rapele. Ho lokile. Ka ho... Hlokomela.

*Ka baka leo la nkisa felleng ka moea: 'me ka bona
mosali (kereke) a lutse holim'a sebata se 'mala oa*

sekarelata, sebata se 'mala oa sekarelata, se tletseng mabitso a bonyefoli, se nang le lihloho tse supileng le linaka tse lesome.

⁵¹ “Lihloho tse supileng.” Ho ea tlase mona, E itse, “Lihloho tse supileng,” tsa sebata, “ke lithaba tse supileng tseo—tseo motse o lutseng holim’ a tsona.” Ke motse ofe o hahiloeng holim’ a lithaba tse supileng? [Phutheho e re, “Roma.”—Mong.] Roma, ehlide, motse o lutseng holim’ a lithaba tse supileng; kereke, mosali, seotsoa se tla busa lefats’ e ka matla a sona. Khele, e hlakile hakaalo kaha u bala leseli la litaba. Le a bona? Ruri.

Joale, mosali eo o na a apere purapera le 'mala o sekarelata, (mosali, kereke, e ruileng), a khabile ka gauta le mahakoe a bohloko a liperela, . . .

⁵² Mpolelle e le ’ngoe ea tsona e kileng ea lefa lekhetho. Mpolelle moo ba lefisoang lekhetho teng. Ba na le tokelo ea tsela, ea ntho ka ’ngoe eo ba batlang ho e etsa. Leha ho le joalo, Molimo o na le bana ka mono. Ehlide bo.

⁵³ Lia ts’oana, pitsa e ke ke ea re ketlele e mosili. Hangata, Maprotestanta a re, “Che, Makatolike, ba bolaile *sena, sane*, se *seng*.” Ke mang ea bolaileng Joseph Smith? Ha ke lumellane le eena. Empa o na ena le tokelo ea thuto ea hae joaleka ’na ka ea ka, mona Amerika. Eaba kereke ea Methodist e bolaea Joseph Smith. Ha u kena—u kena Salt Lake City, ho beiloe lets’oao le leholo, “Lona Methodist, le hlokomele matjeketjane a Mormon.” Hantle. Kereke ea Methodist e ile ea thunya Joseph Smith. Maprotestanta! Ka baka leo, le se ke la hloliea ka Katolike. Hlokamelang, metsotso e ’maloa feela, Bibele e tla rialo, le eona.

. . . mahakoe a bohloko a . . . liperela, letsohong la hae o na a ts’oere pitsa ea gauta manyala a lits’ila tsa bootsoa ba hae bo bongata, lithuto tsa hae, seo a na a se aba, marena a lefats’ e a na a se noa.

⁵⁴ Motho mang le mang ea ka lumelang ntho eo, a ka lumela lipilisi tsa livitamini tsa Moena Jagger, ho re, “U kafafatsa mosali ea nyetsoeng ke monna lilemo tse mashome a mararo, a bile a na le sehlopha sa bana, ’me oa mo fetola moroetsana oa mo isa malaong a monyalua le monna bosius boo.” Mang le mang ea ka lumelang ha metsi a halalelang a khona ho etsa joalo, a ka lumela ntho e ’ngoe le e ’ngoe. Ke ’nete.

Empa marena a lefats’ e a etsa lintho tse joalo. Ke hore ba tle ba phele ba khatholle maikutlo. Tlase pelong ea hao u a tseba hoba u pherehlane. Ho qosa Mali a Jesu Kreste ho u hlatsoa. Empa joale u hlokomele, e ne e le kereke ea pele e ileng ea hlaphisa, Bibele e bua ka eona mona.

*Ho ne ho ngoliloe phatleng ea hae lebitso le reng,
SEPHIRI, BABYLONA E MOHOLO, 'MA LIOTSOA
LE A MANYALA A LEFATS'E.*

⁵⁵ Joale le hlokomele. Re tla lumela bohle. 'Me le libuka tsa eona Roma, libuka tsa eona Katolike, lia lumela hore ke kereke ea Roma eo. Libuka tsa bona li lumellana le eona. Ke na le e bitsoang Linnete Tsa Tumelo Ea Rona, ke ea moprista feela. Mokatolike o kile a sokolohela ho... Etsoe, mora oa hae e ne e le moprista, eaba o mpfa buka eo. Eaba o boela a bua le eena a mo khutlisetsa kerekeng; a ntoo tla e batla, 'me ka hana ho mo fa eona. Ka e boloka e le bopaki, ke batla ho tseba seo ke ne ke bua ka sona. Ha ke bua ntho, ke ts'oanetse ho e tseba. Molimo o tla ntjarisa boikarabelo ba eona.

⁵⁶ 'Me le hopole, o il'a bitsoa, "SEPHIRI, BABYLONA." Rea tseba eo ke kereke ea Katolike. Empa, le lemohe, ke "MMA LIOTSOA." Seotsoa ke eng? Ke ntho e ts'oanang le eena, seotsoa. Joale, mekhatlo ena eohle e tsoile kae? 'Ma eona ke eo. Ke se ba leng sona, le ho qaleng. Ebe u re, "Eo ke anti-Kreste." Ke 'nete. Ha hoo e le anti-Kreste, joale ho ka thoeng ka mekhatlo ea rona? Joalo feela ka ha *seotsoa le sehlola*, e le ntho e le 'ngoe, "ho etsa bootsoa, le ho etsa bohlola," ho amohela lintho tse fosahetseng ka baka la kelello le mahlale a batho. Joale ka ha Bibele e itse, "Ba ruta melao ea batho sebakeng sa Thuto." Ke sona se bitsoang *kereke* kajeno, e leng ho khahlano le 'Muso oa Molimo.

⁵⁷ Joale ka Testamenteng ea Khale. Molimo o na a batlide ho ba Morena oa Iseraele, pele e fetoha kereke, 'me E ne e le Morena. 'Me leha ba na ba ena le moporofeta, Samuele, monna ea lokileng, holim'a a na a ba boleletse hona, ha eba ba batla morena. Empa ba ne ba batla ho ts'oana le batho ba bang. Ba batla ho ts'oana le Baflista.

⁵⁸ Ke bona bothata ba batho ba Protestanta. Ha ba tlohele ho loka ka ho lekana ho le hong. Ba mpa feela... Mohla Moea o Halalelang o no o ts'olohela holim'a bona morao koana, lilemong tse mashome a mane tse fetileng, 'me matla a qalella ho ts'oloha, 'me ba qalella ho hobela le ho hoeletsa, le ho bua ka lipuo. Ha ba ka ba e tlohela ba e lesa. Ba lokela ho e hlophisa. Eaba ho latela e 'ngoe, 'me ba ba bitsa General Council. Eaba ho latela e 'ngoe, ka Leseli le le ngatanyana holim'a Lebitso, Jesu Kreste, 'me ba ba bitsa "New Issues" ba ba leleka. Eaba ba iketsetsa mokhatlo o mocha o bitsoang P.A. ea J.C., Pentekosta ea Assemblies of Jesus Christ. Eaba ho fihla khohlano har'a bona, hore O kaletse pere e ts'oeu kapa kamoo A tla tla kateng, ba ntoo hlophisa e 'ngoe, e bitsoang P.A. ea W., Pentecostal Assemblies of the World. Khele, banna, banna! Eaba ho latela church of God. Eaba ba pshatloa ke boporofeta, ba boela ba hlophisa. Nako le nako ha u e etsa, u tsoa thatong ea Molimo. Moea oa anti-Kreste!

⁵⁹ Kereke ea Molimo e lokolohile. Kereke ea Molimo ha ea tlangoa ke meeli, hobane, hoba Molimo o tloha leoatleng le leng ho fihla leoatleng le leng, motho e mong le e mong ea ka tlas'a lefats'e ke oa Hae. Leha a ne a le ho Katolike, Protestanta, leha e ka ba mang, Molimo o batla ba pelo li ts'epelahang. 'Me re bolokeha ka tumelo, ho lumela ho Eena. Ke Kereke eo. Joale, lea bona, Kereke ha se mokhatlo.

⁶⁰ 'Me nako le nako ha le bona mokhatlo, le hopole feela, "anti-Kreste" e ngotsoe holim'a ona. Ke ena ka har'a Bibebe. E hlakile kamoo ke khonang ho E bala. Ke—ke na le metsoalle ea ka e mengata e khabane e lutseng mona, e leng litho tsa mokhatlo, ha ke re le anti-Kreste. Ha ke le bitse hoo. Empa ka mor'a ntho eohle, 'me eka Liabolosi o e ts'ophahantse hoo motho u lokelang ho ba le ntho e kang eo ho seng joalo ha ba u lumelle ho rera.

Ke ntho e kang e ts'oeroeng ke lichaba. U ke ke ua ba motho u se na sechaba. U tlamehile ho ba le sechaba sebakeng se seng. U tlamehile ho ba mo-Amerika, Mojeremane, kapa ntho e 'ngoe. U a bona, ntho eohle e fetotsoe.

⁶¹ Ka baka leo, ruri, Mokreste oa 'nete ea tsoetsoeng labobel ieka moleleri. Ke mokoenehi mahlong a lefats'e. Empa o bohlokoaa mahlong a Molimo. Eka re ka ba re ena le nako ea ho ts'elela ho Baheberu 11, re shebe (kamoo) bahale bao ba tumelo. Kamoo Abrahama a kileng a tsoa a ipitsa moeti le mofeti, ha thoe lefats'e lena e ne e le lehae la hae, empa o ne a lelera, a batla Motse oo mohahi le mothei oa 'ona e ne e le Molimo. "'Me rona ha re fela re shoelie ho Kreste, re fetoha Peo ea Abrahama, 'me re majalefa a Hae, ka pallo." 'Me hoo ho re etsa'ng? Baeti le bafeti.

⁶² Mohla Iseraele e ne e tsoa Egepeta. Moabe keha eme mono, motse o moholo o hlophiloeng. Ho bile ho eme Esau, motse o m oholo o hlophiloeng. 'Me le Iseraele e le enoa, e se mokhatlo, e tla e tsamaea joalo. Bobeli ba tsona, ho latela thuto ea motheo, ba ne ba lutse Lentsoeng. Le hopole, Balaame o ile a hlahisa sehlabelo se ts'oanang le se hlahisitsoeng ke Iseraele, lialetare tse supileng, tlhoko ea Molimo. Lihlabelo tse supileng tse hloekileng, lipheleu tse supileng, tse lekanyang ho tla ha Ea Lokileng. Ho latela thuto ea motheo, bobeli ba ne ba nepile, ha re bua ka thuto ea motheo. Empa seo Balaame a sitiloeng ho se bona, o sitiloe ho bona Mohlolo oo o tsamaeang har'a Iseraele, sehlopha seo se sa hlophisoang. Ho se moo ba eang teng, ba lelera, empa leeto la bona le ne le habile tulong e 'ngoe.

⁶³ E joalo le Kereke ea Molimo o phelang kajeno. Ha Ea hlophisoa, ho ea kamoo lefats'e le lekanyang kateng. Empa e tlanngoe, e seng ka tlamo ea mokhatlo, empa ka Matla a Moea oa Jesu Kreste, ka tlamo ea lerato.

⁶⁴ Mo-Methodist le mo-Baptist ba be ba phaphathane mokokotlo, 'me ba re, "Moena' ka ea ratoang," ha ba bona hobane ba ke ke ba tsamaea ba sa lumellane.

Batho ba re, “U Mokreste na?”

⁶⁵ “Ke mo-Baptist.” Hoo ha ho arabele potso, ka letho. “Ana ke Mokreste? Ke Mopentekosta.” Hoo ha ho arabele potso.

⁶⁶ Ha u le Mokreste, o ’mopuoa ea tsoetsoeng labobel. U ka har’ā—ka har’ā ’Muso oa Molimo oa sephiri. Mahlo a hao ha a tsepamisoa linthong tsa lefats’ē lena, empa linthong tse holimo. ’Me ke hona ha u le ka har’ā Kereke. Ke eo Kereke. Ha se mokhatlo. Le ka mohla E ke ke ea ba mokhatlo. Le ka mpakela. Kereke ea Molimo o phelang e ke ke ea ba sehlopha se itseng. E ke ke ea ba mokhatlo. E ka khona E be ’Mele oa sephiri, Moea o Halalelang. Pejana, ha re ka fumana nako, re tla kena ho eona hantle.

⁶⁷ Joale, na le bona seo *Kereke* e se bolelang? *Kereke* e bolela sehlopha se “bitsitsoeng”, batho ba bitsitsoeng ba busoang ke Morena enoa oa ’Muso oa Messia feela. Khele, ha ho babatsehe na? [Phutheho e re, “Amen.”—Mong.] Ke rata hoo. Ha ke bala... kajeno. ’Me eitse ha e bua mono e re, “’Muso, Empire ea Messia.” Mongoli o ile a e ngola a re, “Empire ea Messia.” Mongoli a ba a re, “Ho hlophisoa ha Kereke ea Molimo o phelang ha se ntho e kileng ea etsahala. Mokhatlo ke ntho e qapiloeng, e ileng ea hlongoa, ho tlatsa sebaka sa eona.”

⁶⁸ Lithuto tsena tsa bohata li kene joalo hantle feela, ho nka sebaka sa ea ’nete. Ke ka baka leo mosali a na a ts’oere nkho ea lits’ila tsa manyala a hae letsohong la hae. Joale, le a bona, ha ke re... Molato oa Pentekosta o lekana le oa Katolike, kapa Pilgrim Holiness, kapa ma-Nazarene, kapa ma-Baptist, kapa ma-Methodist. Empa, ka har’ā likereke tseo tshole tse hlophisisoeng, Molimo o na le bana. Ke litho tsa ’Muso ona oa sephiri. Ntho eo re e emetseng feela ke ho bona ho hlaha *ntho* eo, e tla hulela lipelo tsa bona ka har’ā oona. Ke thabetse ho tseba, bosiusg bona, hore ba tsoa bochabela le bophirima, leboea le boroa, ke bona ba ints’ang, ho rapela, ba emetse ho Khutla ha Morena. Bibele e boletse ba tla etsa joalo matsatsing a bofelo. Ke hantle haholo. ’Me ho thoe, “Ba tla matha ba tsoa bochabela, ba ea bophirimela, leboea le boroa, ba batla Lentsoe la ’nete la Molimo; e ke ke ea ba tlala ea ho lapela bohobe le metsi, empa ea ho utloa Lentsoe la Molimo.”

⁶⁹ Ba u batla, “Tloo ngolise *mona*. Tloo ngolise *mona*.” Ha ho letho le u ngolisang ho lona. ’Musong oa Molimo, ha letho leo u ngolisang ho lona. Ke boiphihlelo ba ho tsoalloa Kerekeng, e seng ho ngolisa ho Eona. Joale, mohlomong ke tla kena haholoanyane mono, motsotsong. Ke sa na le Mangolo a mang a ngotsoeng mono.

⁷⁰ Empa joale a re feteleng mohopolong oa bobeli, re tle re leke ho e qeta kaofela. Ke Mang ea O theileng, ke ho re, ’Mele ona oa sephiri? Ke Mang ea qalileng ntho Ena? Jesu Kreste. ’Me ke... Ke Hloho ea ’Mele ona oa sephiri. Ke Morena oa

Oona, ea sebetsang thato ea Hae 'Musong oa Hae. E seng bolaoli ba bishopo kapa bolaoli ba lekhotla la kereke; empa Morena, e leng Messia ea sebetsang 'Musong oa Hae ka bo-Eena. O qalile neneng? Mane Pentekosta. E seng mokhatlo oa Pentekosta; boiphihlelo ba Pentekosta. Ke mohla e qalang ho uena. O buile ka ho tla ha Eona. O boletse se tla etsahala. O boletse hobane E tla tla.

⁷¹ Joale, ha re rata, re ka phetla ho Luka, khaolo ea 24, temana ea 49, 'me ra bona mona, ra qala ra bala Mangolo a 'maloa e le hore batho bana ba ngolang ba tle ba a thole. Luka 24:49, re tla sheba seo A se buileng.

*'Me, bonang, Ke le romella pallo ea Ntate: le mpe le
eme Jerusalema, le tle le be le tlatsoe ka matla a
tsoang holimo.*

⁷² Joale, O ile a ts'episa Kereke e tla fihla, 'Muso o tla fihla. Joale phetlang hantle ho Liketso 1:8. Joale, le hopole, O boetse o buile ho Mattheu 16:18, ka, "Holim'a lejoe lena," O tla haha Kereke ea Hae, "likhoro tsa lihele ha li ka ke tsa E hlola." Re tla fihla ho eona motsotsong e 'maloa feela, re sa kena tabeng e 'ngoe. Liketso 1:8.

*Empa le tla fuoa matla, mohla . . . Moea o Halalelang o
tlang ho lona: 'me le tla ba lipaki tsa ka Jerusalema, . . .
Judea, . . . Samaria, le ho isa lipheletsong tsa lefats'e.*

⁷³ 'Muso o tlang oa lipaki: lipaki tsa tsoho ea Hae, lipaki tsa matla a Hae, lipaki tsa Hae, tsa ho phela ha Hae. "Lona le lipaki tsa Ka," joale, Liketso 1:8.

⁷⁴ Hape re fumana ho Baefese, khaolong ea 1, temana ea 22, lona ba ntseng ba ngola. Feela, a mangata a ka ngoloang, empa e le ho e khokhothela, ho etsa bonneta ba hore lea . . . lea e bona. Ho lokile. Temana ea 22 ea Baefese, khaolo ea 1.

*'Me o beile lintho tsohle ka tlas'a maoto a hae (ke
Kreste eo), e tle e be eena hloho linthong ho kereke,*

*E leng 'mele oa hae, le phethetho ea ea phethang ntho
tsohle ho bohle.*

⁷⁵ Ke Mang ea hlommeng Kereke ena? Jesu Kreste. Ha se bishopo, ha se sehlopha sa banna, ha se mopapa, ha se matla a entsoeng ke batho, ho hang. Empa Jesu Kreste o buile ka Eona e le 'Muso oa Hae o tla tla ka matla. "Ba ba bang ba teng ho ba emeng mona . . ." Khaolo ea 16 ea Mattheu, "Ka 'nete, Ke re ho lona, ba bang ba teng ho ba emeng mona ba ke keng ba utloa ho shoa ba eso ho bone 'Muso oa Molimo o tla ka matla." Matsatsi a 'maloa feela ka morao ho moo, O ile a thakhisoa, 'me Moea o Halalelang oa ts'oloha. "Ba bang ba teng ba emeng mona, ba ke keng ba bona ho shoa ba eso ho bone 'Muso oa Molimo."

⁷⁶ "Ana e se e le joale U tlang ho tsosa 'Muso?" ba-Juda ba 'Motsa.

⁷⁷ O ile a re, “Ha ho a le lokela ho tseba nako leha e le mehla, eo Ntate a Itaoletseng eona mohopolong oa Hae. Empa le tla fuoa matla.” Liketso 1, “Le tla fuoa matla hoba Moea o Halalelang o tlang ho lona.” U tla fuoa matla mohla u beoang bishopo, mohla u beoang moreri, mohla u beoang mopapa, mohla u beoang moprista? “Le tla fuoa matla mohla Moea o Halalelang o tlang ho lona.” Ke eona paki eo Molimo a na a e batla, paki mohla Moea o Halalelang o tlang. E seng paki ea hore ke bishopo, e seng paki ea hore ke molisa. Empa paki (ea eng?) ea Morena ea tsohileng. Ke eo Kereke ea Molimo o phelang. Ke ’nete.

⁷⁸ Le ho Bakolose 1:17 le 18 hape, re ka le bala re sa le hona moo. Bakolose 1:17 le temana ea 18.

Ke eena eo ea leng ka pele ho lintho tsohle,’me tsohle li eme ka eena.

Hape ke eena hloho ea ’mele, ea kereke: ke eena eo, galo, le letsibolo ho bafu; a tle a be le tulo ea pele nthong tsohle.

⁷⁹ Hloho ea Kereke ke Mang? Jesu Kreste. Ke ’Muso ofe oo? ’Muso oa Messia, Kereke, e seng mokhatlo; Kereke, ’Mele oa sephiri oo Kreste e leng Hloho ea ’ona. Khele, ke rata hoo, ho tsamaea ka Moea, ho mamela Morena. Ke bohlanya ho lefats’e; mahlong a Molimo ke botle. Ho tsamaea ka Moea; ha ba utloisisoe, ba ts’ehuo, ba songoa. “Bohle ba phela ka borapeli bo ho Kreste Jesu ba tla oela ke lihloriso. Ekare ha ba hlorisitse baporofeta ba ttileng pele ho lona, ba bitsa Mong’-a—Mong’-a ntlo, ‘Belsebule,’ haholo-holo ba tla bitsa barutuo ba Hae joalo hakakang?” Empa lona le tsamaea ka Moea, le furaletse lintho tsa lefats’e, ha lea tlangoa ka mahlaahlela. “Ea lokolotsoeng ke Mora o lokolotsoe ka ’nete.” Amen. Ke eo Kereke ea Molimo o phelang. Ke Eena ea E theileng.

⁸⁰ Joale rea bona, ka lipaki, ho Liketso 1:8, O itse, “Le tla ba lipaki tsa Ka mohla Moea o Halalelang o tlang ho lona.”

⁸¹ Kereke ke eng? Ke ’Mele oa sephiri oa Kreste. Ke Mang ea E theileng? Morena Jesu, ka bo-Eena. Ha ea theoa Roma. Le joalo ha ea theoa Engelane, ke John Wesley. Le joalo ha ea theoa ke Calvin, leha e le Amerika, Baptist, ke John Smith. Le joalo ha ea theoa California, ke Mapentekosta. E theiloe ke Jesu Kreste, Morena oa ’Muso oa Messia. Ke Eena ea E theileng. Ke Eena E leng Morena. O batla ho ba Morena. O batla ho re busa. O batla ho ba ’Musi.

⁸² Batho ba ee ba Mo lumelle ho kena, ba re, “Ke tla Mo etsa Mopholosi,” ba mpa ba sa batle ho Mo etsa Morena ke ho re “leruo, borena.” “Kena pelong ea ka, Morena, pholosa moea oa ka liheleng, empa u se ke ua mpolella seo ke lokelang ho se etsa.” Ke boits’oaro ba batho boo. Ke lona lebaka. Ha ho

makatse ha Bibele e itse, "Litafole tsohle li tletse mahlatsa." Lea tseba mahlatsa ke eng? "Ntja e ee e khutlele mahlatseng a eona." Efela ha mekhatlo ena e sa ka ea sebetsa, khetlo la pele, 'me Molimo a lokela ho e hlatsa; ha u khutlela ho eona, e tla boela e u hlatsisa. O itse, "Hola u ne u chesa kapa u bata. Empa e re ka ha u le fofo, Ke tla u hlatsa molomong oa Ka." U kulisa Molimo ka maleng a Hae, 'me O u re hlatsetsa ka ntle.

⁸³ Mpoellelleng mokhatlo o kileng oa oa, oa boela oa tsoha le ka mohla. Mponts'eng ka histori moo o mong o kileng oa khona. Motho o ee a hlahe ka molaetsa, Molimo o tla hlohonolofatsa motho eo. Ntho ea pele u a tseba, u tla o fetola a kene hara banna 'me a o etse mokhatlo, 'me hoo ho o bolaela hona moo. Le shebe lihistori l fumane o kileng oa tsoha. Ha ho le o mong, hobane ke moea oa anti-Kreste hara batho.

⁸⁴ Joale ka Moshe, le bao ba na ba batla ntho eo ba ka e etsang ka bobona. "Morena, monongoaha re ne re fumane litho tse ngata." Hoo ho etsa phapang efe, hore u na le litho tse kae? Ha re batle litho tsa kereke. Re batla litho tsa 'Mele oa Kreste, tse tsoalloang 'Musong oa Molimo, "e se ka thato ea motho, empa ka thato ea Molimo," e se ka moea oa motho leha e le ka hlalefo ea motho.

⁸⁵ Pauluse o itse, "Ha kea ka ka tla ho lona ka bohlale ba motho. Ke tlie ho lona ka Moea oa Molimo le ka matla a tsoho ea Hae, tumelo ea lona e tle e se ke ea theoa bohlaleng kapa mantsoeng a monate a motho, empa matleng a tsoho ea Jesu Kreste." Ke seo a se kenklang. Molimo u re thuse, re tle re etse joalo.

⁸⁶ Joale, ha re batle ho qeta nako e ngata ho e 'ngoe le e 'ngoe. Joale ke batla ho fumana: Molaetsa oa Kereke ena ke ofe? Kereke ena e tlamehile ho ruta eng? Molaetsa oa Eona ke ofe?

Moaletska oa pele oo ke o hopolang, oo Kereke ena ('Mele oa sephiri) e tla o ruta, e tla ba pako. Ha re phetleng ho Luke 24 hape, motsotso feela. Luke, khaolo ea 24. Ntho ea pele eo Kereke e tlamehileng ho e etsa, ke ho baka, 'me E tla ruta pako. Joale, Jesu, o itokisetsa ho tsamaea, ena ke khaolo ea ho qetela, mohla A na a itokisetsa ho tloha lefats'eng. Luka 24:46, ha re qaleng ka temana ea 46.

A ntoo re ho bona, Ho no ho ngoliloe joalo, 'me ho no ho ts'oanelo hore Kreste a utloisoe bohloko, 'me a tsohe bafung ka letsatsi la boraro:

Pako le ts'oarelo ea sebe . . .

Khele, ke batla e thopothele, hoba ke tla nthong e 'ngoe motsotsong, mabapi le hono, "ts'oarelo ea libe."

. . . ho tle ho boleloe ka lebitso la hae pako ho Molimo le ts'oarelo ea libe ho lichaba tsohle, ho qala ka Jerusalema.

Lona le lipaki tsa taba tseo.

⁸⁷ [Sekheo lebanteng—Mong.] “...utloisoe bohloko,” Mangolo a boletse joalo. Ke Eo baporofeta ba ’moletseng. Ke Eena eo Bibebe eohle e likolohang ho eena, e iphikolosa ho Eena. Ruri o ne a tla tseba se tlamehileng ho rutoa. O ne a tla tseba se lokelang ho etsoa. ’Me O itse, “Pako le ts’oarello e tle e boleloe lichabeng tsohle e le bopaki, ho qala Jerusalema.”

Joale, mokhatlo o qala Roma. Kereke ea mokhatlo e qala Roma; e fetele Jeremane, bakeng sa Martin Luther; ho fetela Engelane, bakeng sa Wesley; ho fetela United States, bakeng sa John Smith; California, bakeng sa Pentekosta.

Empa Kereke e qala Jerusalema. “Pako ho Molimo, le kolobetso ka Lebitso la Jesu Kreste ts’oareleng ea libe, e qala Jerusalema. ’Me eka khona...” “E ka khona,” O boletse joalo. Ha ho a thoe bohle ba tla e fumana. “*Eka khona* e qale. *Eka khona* e ee ka lefats’e lohle. *Eka khona* e boleloe.” Empa e nyenyane haholo. Empa ke seo A se buileng, Molaetsa oa Eona, ke Molaetsa oa Kereke oo. Mponts’eng kereke e O rutang. Mpolelleng moo e leng teng. Ha le e fumane.

⁸⁸ Joale, Jesu ke Morena, Molaetsa oa bobeli. Jesu ke Morena, ’me o phela ka mehla le mehla. Mattheu 28:20. Jesu ke Morena, ’me o phela ka mehla le mehla. Ke seo Kereke e tlamehileng ho se ruta. Mattheu 28:20.

’Me le ba rute ho boloka tsohle tseo ke le laetseng tsona: ’me, bonang, ke na le lona ka mehla eohle, ho isa bofelong ba lefats’e.

⁸⁹ Ho joalo? [Phutheho e re, “Amen.”—Mong.] Baheberu 13:8, “Jesu Kreste e sa le eena maobane, kajeno, le ka ho sa feleng.” Ke oo Molaetsa oa Kereke: ho etsa mosebetsi oa Hae, ho paka tsoho ea Hae, le ho nts’a bopaki.

Joale, Liketso 5:32, moo re bonang ha eba ba ne ba ena le eona kapa che. Re sa phetla, Liketso, khaolo ea 5, temana ea 32.

Rona re lipaki tsa hae litabeng tseo; rona le Moea o Halalelang, oo Molimo o o neileng ba o utloang.

⁹⁰ Eka khona A pakoe. Johanne 14:12, thuto e tsoa ho Eena, seo Kereke e tlamehileng ho se etsa. Ho Johanne, khaolo ea 14, le... le temana ea 12, re tla bona hoba e reng. Johanne 14:12, ha re e baleng ke hona, ho e hlahisa semolao. Ho lokile, Johanne 14, le temana ea 12.

Ka ’nete, nete, ke re ho lona, Ea lumela ho ’na, mesebetsi eo ke e etsang, o tla e etsa le eena; o etsa le e fetisang ena, o tla, kahobane ke ea ho Ntate.

⁹¹ Ke Molaetsa oa Kereke oo. “Jesu Kreste e sa le eena maobane, kajeno, le ka ho sa feleng,” ea phelang ka har’aa Kereke, Morena oa Kereke, ea tsositsoeng bafung. “E sa le eena maobane, kajeno, le ka ho sa feleng,” a etsa mesebetsi e

ts'oanang, ho etsa eona mesebetsi eo Jesu a e entseng. Ke Molaetsa oa Kereke oo. Ha kereke e sa ruta Hoo, e ruta thuto e itseng ea bohata. Ke sona seo Jesu a ba laetseng ho se rera.

⁹² E tla ba eng hape? Re tla tseba joang ha eba batho bana, ba re, "Che, ke molumeli." Ha re shebeng seo thomo ea Hae ea ho qetela e ne e le eona ho Kereke ea Hae, bakeng sa balumeli, Mareka 16. Nkang Mareka, khaolo ea 16, 'me re tla fumana seo Molaetsa oa Hae ho Kereke e ne e le ofe, 'me re tla bona haeba re latela thomo ea Hae. Mareka 16, ha re qaleng ka temana ea 14.

*Hamorao a itlhahisa ho ba leshome le motso o mong,
moo ke ka morao ho tsaho ea hae, ba lutse lijong, . . .*

⁹³ Thomo ea ho qetela ea Kereke ke ena joale, utloang, thomo ea ho qetela. Re tla itekola ka borona, hore re balumeli, kapa re Kerekeng ena, kapa che.

*Hamorao a itlhahisa ho ba leshome le motso o mong,
ba lutse lijong, a nyatsa bothata ba pelo ea bona, ho se
lumele ha bona le bothata ba lipelo tsa bona, kahobane
ba sa ka ba lumela ba 'moneng ka morao ho tso- . . . a
tsohile.*

⁹⁴ O ile a bonoa ke motho e mong. Motho e mong o na a leka ho ba boella ka eona, 'me ha ba ka ba e lumela. Ha eba ho se joalo kajeno. Rea tseba hobane O a phela, 'me re na le bopaki ba Moea oa Hae ka ho rona. Re bona matla a Hae a tsamaea holim'a mokhupi, mashome a likete tsa batho, 'me o senola mehopolo ea bona—mehopolo le lipelo joalo ka ha A entse mohla A na a le lefats'eng mona. Joale ka ha Bibele e boletse, "Lentsoe la Molimo." 'Me Eena ke Lentsoe la Molimo. "Lentsoe le ne le le ts'imolohong, 'me Lentsoe le ne le le ho Molimo. 'Me Lentsoe le ne le etsoe nama la aha har'a rona." "Lentsoe la Molimo le bohale, le feta sabole e leolitsoeng ka ng'a tse peli, le hlaba le kena mokong oa lesapo, 'me le ahlola mehopolo le merero ea pelo." Kreste, "Mesebetsi eo Ke e etsang le tla e etsa le lona." Ho 'Mona a etsa hoo. Ba bakae ba 'Moneng a e etsa? [Phutheho e re, "Amen."—Mong.] Ehlide. Rea tseba hobane O a e etsa. O lula mona. O ka har'a lipelo tsa rona.

⁹⁵ Ha ba E lumele. Ba ne ba sa E lumele mohlang oo. Le joale ha ba E lumele. Ba lumela, "O shoele, 'me ho lutse ho le joalo. 'Me re ts'oere ntho e itseng ea histori, eo motho a kileng a e tsosa lilemo tse 'maloa tse fetileng 'me a thea kereke, a ba a ngola katekisima, 'me ke eona ntho eo re tiisetsang ho eona." Ke bohetene boo. Ka nepo! 'Nete ha e eo moo. Khele, ha ke re, "nnete," mohlomong monna eo o e entse. Mohlomong monna eo o na a ts'epahetse haholo. Empa Molimo ha a tsamaise Kereke ea Hae ka tsela eo. Ha A eso ka a e batla.

⁹⁶ Mohla ba ne ba kopa morena, Samuele o ile a ba bitsa a bua ntho ena. A re, "Ke batla ho le botsa taba. Na nkile ka le

siteloa? Ana nkile ka le kopa chelete ea lona? Ana nkile ka le bolella taba ka Lebitso la Morena ha e se e neng e lokile na? Molimo ha o batle hore le be le morena. O batla ho ba Morena oa lona.”

⁹⁷ A re, “Oho Samuele, ehlile, u nepile. U moporofeta ea lokileng. Ha u eso re bolelle letho e se ’Nete. Ha u eso re kope chelete. Lintho tseo ke ’nete. Empa re batla ho ts’oana le bona kaofela. Re batla morena, leha ho le joalo.”

⁹⁸ Samuele a re, “Ntho eo e tla le hlahisetsa masetlapelo le mathata. E tla-... O tla nka bara le barali ba lona. O tla ba silafatsa, ka ntho tsee a tla li etsa. O tla etsa hoo.” Homme a etsa hoo. Empa, leha ho le joalo, ba ’na ba batla morena.

⁹⁹ Ba etsa joalo kajeno. Khele, re lokela ho ikamahanya le lebitso la mofuta. Re lokela ho bolella batho ha ba re botsa, “Rona re Methodist, Baptist.” Le re feela le *Bakreste*, ke ’nete, “le ts’oana le Kreste.”

...Ka morao ho tsoho ea Hae, ha ba ka ba e lumela.

A ba a re ho bona, (hlokomelang thomo e kholo), *E-eang...*

Boholo bo bokae ba lefats’e? [Phutheho e re, “Lohle.”—Mong.] “Khele, ke ne ke nahanne, Jerusalema feela.” Motho o na a re, “Mehlolo ena e ile Jerusalema feela.”

...lefats’eng lohle, le bolelle babopuoa bohle evangeli...

¹⁰⁰ Ke ba bakae ba tsebang seo Evangeli e leng sona? [Phutheho e re, “Amen.”—Mong.] E seng “Lentsoe.” [Moena Branham o phaphatha Bibele ea hae.] Pauluse o itse, “Evangeli e tlie ho rona e se ka Lentsoe feela, empa ka matla le ponahatso ea Moea o Halalelang.” Evangeli ke matla a Molimo a etsang hore Lentsoe le phethe ntho eo Le reng Le tla e etsa.

“Le bolele Evangeli, lefats’eng lohle.” Le bolelle batho ba basoer feela Evangeli, kapa ba basootho feela, ba basehla, ba bats’o?

...ho babopuoa bohle.

¹⁰¹ Amen. “Babopuoa bohle.” Lea lumela ntho eo e bolela hoo? [Phutheho e re, “Amen.”—Mong.] Ke bone Molimo a tsietsa poho, ka tsatsi le leng. Ka ’Mona a thibela bobo ho hlabo. Ka ’Mona a tsosa oposamo, e ne e robetse e shoele, bosiu bohle. “Babopuoa bohle.” Evangeli e tla sebetsa nthong efe kapa efe eo le e kopang.

U ka re, “Hoo ho fosahetse, Moena Braham.” Ha ea fosahala.

¹⁰² Jesu o itse ho sefate seo, “U rohakiloe. Ho se be motho ea jang ho uena, ho tloha joale.” ’Me sefate seo sa boleolloa Evangeli. Amen. Shuu! Ke ikutloa ke halalela, hona joale.

“Ho babopuoa bohole.” Amen. Le E bolelle eng? “Babopuoa bohole.” Khele, hola re ena le nako ea ntho tsena.

Joale, ea lumelang 'me a kolobetsoa o tla bolokeha; . . .

“Khele, kea lumela, ke kolobelitsoe.” Ke botle Ho lokile. Ka nepo.

Ea lumelang 'me a kolobetsoa o tla bolokeha; . . . ea sa lumeleng o tla tsuoa.

¹⁰³ “Khele, ke thabile ha ke le molumeli.” Be butle. “Mme,” ‘me ke lekopanyi, le tlamahangyang polelo ‘moho.

'Me mehlolo . . .

Khele, ke itse ha le lumele mohlolo. Ao ke Mantsoe a Jesu ka bo-Eena. Ak'u phehisane le Eena ka Lona.

. . . mehlolo e tla . . . (E seng “mohlomong; ka linako tse ling e tla latela.”) . . . eo e tla tsamaea le ba lumelang; . . .

¹⁰⁴ Joale re tla sheba ha eba le lumela kapa che, re tla bona na mokhatlo oa lona ke balumeli kapa che. Ba ka 'na ba re ba lumela. Jesu o na a re, “Mehlolo e tla tsamaea le ba lumelang ke eona ena.” Khele, ba hana mehlolo eo.

. . . mehlolo e tla tsamaea le ba lumelang ke eona ena; (Ha kae?) Ba tla leleka batemona ka lebitso la ka; . . .

¹⁰⁵ 'Me lona ba sa lumeleng pholiso ea Khalalelo, lona likereke ting! Taba ena e hatsitsoe, lea utloisisa. Ha ke bue le lona feela. Motho e mong le eena o tla E utloa. Le re le lumela ho Molimo, le lumela thomo, hore kereke ea lona e laetsoe ho tsamaisa Evangelii? 'Me ntho ea pele ke pholiso ea Khalalelo.

Ntho ea pele eo Jesu a e laetseng barutuoa ba Hae mohla A na a ba roma e ne e le efe? Mattheu 10:1, “Le folise ba kulang, le leleke batemona.” Ntho ea ho qetela A e boleletseng Kereke ea Hae ke efe? “Fodisa ba kulang, leleka batemona.” Alfa le Omega; Benjamine le Rubene; oa Pele le oa Morao; Ea neng a le Teng, Ea leng Teng, le Ea tla Tla; Naleli ea Meso; Motso le Lehlomela la Davida. Alleluia! Ke Eena eo. E, monghali.

“Mehlolo ena e tla tsamaea le bona, ho lumela. Ba tla leleka batemona ka Lebitso la Ka.” Jerusalema feela? “Lefats’eng lohle, le ho babopuoa bohole.” Ana ke Bibele eo? [Phuthetho e re, “Amen.”—Mong.] Ke seo E se buileng. Ke Molaetsa oa Kereke oo. “Lefats’eng lohle, babopuoa bohole, Evangelii. Ho e mong le e mong ea lumelang, mehlolo ena e tla latela.”

. . . ba tla leleka batemona ka lebitso la ka; ba tla bua ka lipuo tse ncha;

¹⁰⁶ 'Me lona Manazarene a fokolang la ba bitsa sehlopa sa batho ba “lipuo”. Ha le batle le ho lula le bona ka kerekeng.

Na ha se ntho e mpe? Le tla etsa'ng ha le fihla Leholimong? Jesu o shoele, a ntse a bua ka lipuo. Ba ile ba re, "O buile, 'me O buile ka puo e sele." Ehlide. O entse joalo. "O buile ka Seheberu." Ha A etsa joalo. Mongolo oo ha se oa Seheberu. O buile ka puo ea Leholimo.

¹⁰⁷ Mohla—mohla Abele a na a hlahisa konyana ea hae holim'a lefika, ha konyana e nyenyane e ne e shoa, o ne a e hlahlatha molala. Papiso ea Kreste, morao koana ts'imong ea Edene, konyana e nyenyane e ne e lla ka puo e sele, ha e ne e shoa. E le papiso, nakong eo boea ba eona bo mali bo kolobisoang ke mali a eona. E ne e bapisa Mora oa Molimo ea leketlang mane Kalvari, a hlahlathiloe likoto, ka libe tsa rona, a shoa, a ntse a bua ka puo e sele, "Molimo oa Ka, Molimo oa Ka, U Ntloheletse'ng na?"

¹⁰⁸ Ke Molaetsa oa Kereke oo. "Ba tla leleka batemona ka Lebitso la Ka; ba tla bua ka puo e ncha." Ke sona seo A se buileng. Ke Molaetsa oa Kereke oo. Ke sona seo A laelang Kereke ho se etsa, "Ho leleka matemona; ba tla bua ka lipuo tse ncha."

*Ba tla ts'oara linoha; 'me leha ba noele ntho e ka ba
bolaean, ha e ka ke ea ba nts'a kotsi, ba...bea
matsoho a bona holim'a ba kulang, ba tla folisoa.*

¹⁰⁹ Ke thomo ea Kereke eo. Ke eona Kereke ea makhonthe, e lumelang.

Na Taba eo e rutoa ka har'a Methodist, Baptist, Presbyterian, Catholic, Lutheran, Nazarene, Pilgrim Holiness? [Phuthetho e re, "Che."—Mong.] Che, monghali. Ba E hana. Thoriso! Hobaneng? Ba hlophisisitsoe, 'me ba ke ke ba e etsa. Ho na le litho tse ngata ka mono tse lumela Hoo, empa a ke ke a bua letho ka Eona, kahobane a tla khaoloa. Ke moea oa anti-Kreste oo, o ba hlophisisitseng.

Kereke ea Molimo o phelang e tsoetsoe ka tokoloho ke Moea oa Molimo, ha e hloke puso ea letho. Ba latela Morena oa 'Muso oa Messia. Ha ba tlameha ho nka polelo ea batho. Ba tsoetsoe ba lokolohile, ba lokolotsoe ke Mora Ea ba lokollang ka 'nete. Mehlolo ena e tla tsamaea le bona.

¹¹⁰ Evangel ena e tla boleloa. Ke mang ea tla E bolela? Molimo a ka nka lithoto. Molimo a ka tsosa majoe ana, ho tsosetsa Abraham a bana. Molimo a ka etsa sohle seo A batlang ho se etsa. Ke Molimo, 'me ke kamoo A e sebetsang kateng. Mohla A na a fihla, ha A ka a bitsa Kaiafa. Ha A a bitsa moprista a le mong. Ha A ka a bitsa moithuti a le mong oa thutabomolimo. A nka bats'oasi ba lihlapi, balisa, le ba sa rutehang le ba sa balang. Bibebe e boletse, ea re, "Petrose le Johanne ba ne ba sa bala ba sa ruteha." Empa O ne a ka ba fa, 'me a sebetsa ka bona, 'Muso oa Molimo, le ho ferekanya mahlo le likelello tsa bahlalefi le ba matla. Ba re, "Ba ile ba elelloa e

le banna ba sa rutehang le ba sa balang, empa ba lokela ho lemoha, hobane ba kile ba tsamaea le Jesu.” Hobaneng? Moea oa Hae o no o lutse holim’ a bona. Ba sebetsa kamoo A sebetsang. Ba etsa lintho tseo A li entseng. Ke hantle seo A itseng se tla etsahala, ‘Muso oa Messia. Khele, ke thabetsé lintho tsena hakakang. “Mehlolo e tla tsamaea le ba lumelang ke eona ena.” Ruri. Mehlolo e tla tsamaea le bona.

¹¹¹ Joale, ntho e ’ngoe eo Kereke ena e tla e ruta, e tla ba pholiso ea Khalalelo, Molaetsa oa Kereke. Ke sa tsoa o qotsa, Mattheu 10, mohla A na a roma Kereke ea Hae. Ha re phetleng ho Mattheu 10:1 feela, ’me re fumane, motsotso feela. Lemohang seo Jesu a se buileng mohla A na a khetha Kereke ea Hae a E roma.

Eare joale . . . a bilelitse ho eena barutuoa ba hae ba leshome le metso e ’meli, a ba nea matla a ho hlola meea e lits’ila, ho lahla, ho a lahlela ntle, le ho folisa maloetse ’ohle le mofokolo eohle. (Taelo ea pele ho Kereke ea Hae.)

¹¹² Thomo ea ho qetela, “E-eang ka lefats’ e lohle, le bolele Evangel. Ea lumelang, o a kolobetsoa.” E re ke Le bue kamoo Le ts’oanelang, kamoo Le khutsufatsoang kateng. “E-eang ka lefats’ e lohle, le sechabeng ka seng, le bonahatse matla a Moea o Halalelang. Ea lumelang Taba ena a kolobetsoa o tla bolokeha. Ea E latolang, o tla tsuoia. Mehlolo e tla tsamaea le ba lumelang ke eona ena: ha ba bea matsoho holim’ a ba kulang, ba tla fola; ba tla leleka matemona; ba tla bua ka lipuo tse ncha. Ena e tla ba ponts’o e latelang.” Temana ea ho qetela e itse:

Ha e le bona ba khutla . . . Morena a ntse a sebetsa le bona, a ttisa lentsoe la hae ka mehlolo e le felehetsang.

¹¹³ Kereke ea pele e ne e le joalo. ‘Me, utloang, Jesu o itse, “Ke ‘Na sefate sa Morara, lona le makala.” ’Me ha lekala le hlahisa morara, ’me sefate seo se bea merara, lekala le latelang ha le fihra, le tla bea ntho e ts’oanang le ea morara oa pele.

¹¹⁴ Khele, u ka re, “Moena Branham, empa, ke hantle, sheba likereke tsena tsohle.” Ke merara e entetsoeng.

Joale, u ka entela tholoana ea molamunu teng. U ka nka sefate sa lamunu oa kenya lemone ho sona ’me se tla mela. Ke seo uena motho o se entetseng ka hare. ’Me mekhatlo ena ke seo motho a se entetseng ka hare. Ke lemone, ka linako tsohle. E tla mela kahobane e qhoaetsoe lebitso la kereke. Empa, e re ke u boelle, ha sefate seo se hlahisa lekala le leng, ka bo-sona, se tla bea lamunu.

‘Me efela ha matla a Molimo a hlahisa Kereke e ’ngoe, e tla boela eba pentekosta e ’ngoe. ‘Me ho tla boela ho ngoloa buka e ’ngoe ea liketso e E latelang, ke hantle, kahobane E le Kereke ea Molimo.

¹¹⁵ Jesu o itse, “Ke ’Na sefate sa Morara. Lona le makala. Le sitoa ho bea tholoana le ’nots’i, empa ’Na ka bo-’Na ke kena ka har’ā lekala.” ’Me Le ile la bea tholoana ea mofuta ofe? “Mehlolo e tla tsamaea le ba lumelang ke eona ena.”

¹¹⁶ Ha Kereke ea bobeli e hlaha, ’Mele oa sephiri oa Kreste o tla etsa mehlolo e ts’oanang. “Ho se ho se hokae ’me lefats’e ha le sa Mpona. Empa lona le tla Mpona, hoba Ke tla ba le lona, le ka ho lona, ka har’ā lekala ka leng, ho isa pheletsong ea lefats’e,” Jesu Kreste e sa le eena maobane, kajeno, le ka ho sa feleng. Ke eo Kereke ea Molimo o phelang. Ke Eona Eo. O na le lipaki tsa mofuta oo.

¹¹⁷ Joale, hape, Kereke e tlamehile ho ruta kolobetso. E tlamehiie ho kolobetsoa. E ne e le thomo eo. Jesu o boletse mona, ho Mareka 16. Re tla le sebelisa. “Ea lumelang a kolobetsoa.” Lumela, pele, u ntoo kolobeletsoa ts’oarel ea libe tsa hao, ’me u tla amohela neo ea Moea o Halalelang.

¹¹⁸ “Moea o Halalelang o tla tla,” e tla be e le thuto ea Kereke. Hoba, Jesu o boletse, ho Luka 24:49. Re pel’ā eona hantle, ha re e phetleng, motsotsoana feela, temana ea 49 mona. Re balile ea 46 le ea 47. Shebang ea 49.

’Me bonang, ’na ke tla le romela pallo ea Ntate: le mpe le sale, kapa le eme (ho sala ho bolela ho “ema”) motseng oa Jerusalema, le tle le be le apesoe ka matla a tsoang holimo.

¹¹⁹ Ha Kreste a sa ka a lumella sehlopha sa banna ba tsamaileng le Eena lilemo tse tharo le halofo, ho ea bolela Evangel, kapa ba ke ke ba rera Evangel ho hang pele ba emela Moea o Halalelang, kajeno Kereke e tlamehile ho etsa joalo. Ho emela Moea o Halalelang.

¹²⁰ Ha se khale haholo, ha ke ne ke qoqa le mofumahali oa Katolike, koana Oregon, eaba o re, “Che, u batla ho mpolella ha sehlopha seo sa lithoto tlase mono moo u no u rera teng, ’me se hoeletsa se lla, se its’oere joalo, u re ba tla ba teng Leholimong, ba buse Lehlilong?”

Ka re, “E, ma’am.”

A re, “Be, ha re lumele linthong tse joalo.”

Ka re, “Kahobane le sa lumele Lentsoe la Molimo.”

’Me a re, “Re lumela hobane Maria o a re buella.”

Ka re, “Ke bohetene bo feteletseng.”

¹²¹ Mosali eo ha eso be molimo. Ke mosali. “Ma Molimo,” Molimo a ka ba le ’me joang? “Ahe Maria, ’ma Molimo,” Molimo a ka ba le ’me joang? O tsoetse Mora oa Molimo, Kreste Jesu. Ha ho mosali eo e leng ’mopi. O jara peo ea monna. Monna ha se ’mopi. Ke Molimo o bopang bophelo. Empa e le—e le tatelano e tloalehileng, eo Molimo a e rerileng, ho tlisa bana.

Eena, ha se 'ma Molimo. Molimo a ke ke a ba le 'me, kahobane A sa ka a ba le qaleho ea lits'iu leha e le pheletso ea bophelo. O hlola ka ho sa Feleng. E ke ke ea ba 'ma Molimo.

¹²² Ka re, "U tla re'ng ha ke re ho uena moroetsana oa hao ea lehlohonolo, e u 'monang e le molimo, u tla re'ng ha ke re ho uena Molimo ha oa mo lumella ho kena Lehlimong pele a its'oara joaloka batho bao ba maobane bosiu?"

A re, "Ha se 'nete."

¹²³ Ka re, "U itse ho 'na kereke ea Katolike e ngotse Bibebe, baapostola, 'me u itse e ne e le Makatolike? Ke a e hanetsa. Kereke ea Katolike e ne e ntse e le sieo lilemo tse makholo a mararo ka morao ho lefu la moapostola oa ho qetela, ha e se ho fihlela ka morao ho Lekhotla la Nicene. Mponts'e leqephe la histori, ntho efe feela eo u e batlang; e seng katekisima ea lona, hobane ha e lumelane le histori. Ntho e joalo ha eso ho be teng." Empa ka re, "Maria... Bibebe e itse Maria, 'ma Jesu, le basali ba bang, 'moho le ba lekholo le mashome a mabeli, bohle ba ile ba tlameha ho hloella litepisi tseo ba ea phaposing e ka holimo, 'me ba tlatsoa ka Moea o Halalelang ba ba ba thekesela eka hoja ba tahiloe, ba bua ka lipuo ba its'oere joaleka sekhakhatha sa matahoa. Ke seo Bibebe e se boletseng." Ka supa temana eo ka monoana oa ka. Ka re, "E bale."

A re, "Ha ke batle ho E bala. Ha ke a ts'oanela ho E bala."

¹²⁴ Ka re, "Ha u ts'epahale. Ke mona moo moroetsana Maria a na a amohela Moea o Halalelang, a bile a bua ka lipuo a thekesela eka mosali ea tahiloeng. Joale, ha u ea Leholimong, u ke ke ua tsamaea le eena, hoba o na a tlamehile ho amohela Moea o Halalelang. 'Me efela ha a na a tlamehile ho etsa joalo, eena e leng 'ma Jesu Kreste, uena u o hloka hakakang!"

¹²⁵ A re, "Ha eba ke tlamehile ho ea Leholimong ka ntho e kang eo, ha ke batle ho ba teng Leholimong."

¹²⁶ Ka re, "Ha ua ts'oanela ho khathatsoa ke letho hakaalo. Le teng, ha ke hopole u tla fihla, ka tsela eo, ha u sa fetoha. Ha ke hopole u tlanngoe ho nahana hakaalo ka ntho efe kapa efe." Ke Moea oa Molimo hantle oo.

¹²⁷ "Joale, le tla ba lipaki tsa Ka mohla Moea o Halalelang o tlang ho lona." Joale, ebe taba ee ke'ng joale? Re re'ng? Ke Eng? Ke Mang ea E theileng? 'Me Molaetsa oa Eona ke ofe? Joale, ho potlaka, ho khatha temana nakoana.

¹²⁸ Ntho ea bone. Re fetoha setho sa Eona joang? "Re ngolisa joang ho Eona? Re bona seo E leng sona, joale ho latela'ng? Re ngolisa joang Kerekeng ena?" Ha u ngolise ho Eona. O ke ke oa khona ho ngolisa ho Eona. Ha ho mokhoa oa ho ngolisa ho Eona. U tsoalloa ho Eona. Ke qetile lilemo tse mashome a mashome a mahlano le motso o le mong, ke le leloko la lesika

la Branham, ha ke eso ngolise lesikeng leo. Ke tsoetsoe ke le Branham. Le uena, u tsoaloa u le mora oa Molimo kapa morali oa Molimo.

¹²⁹ Ha re nkeng Johanne, khaolo ea 3, motsotso feela, 'me re bone feela seo Molimo a se buileng ka Eona mona. U kena joang Kerekeng ena? Ke peelo efe eo Molimo a u beelang eona? Johanne, khaolo ea 3, 1 ho isa ho 8.

*Monna e mong oa Bafarasi, e le khosana ea mo-Jude,
o ne a le teng, lebitso la hae le Nikodema:*

*A tla ho Jesu bosiu, a re ho eena, Rabbi, rea
tseba...u moruti ea tsoang ho Molimo:...ha ho
motho ea ka etsang mehlolo ena eo u e etsang, ha
Molimo o se ho eena.*

*Jesu a araba a re ho eena, Ka 'nete,...ke re ho uena,
Motho ha a sa tsoaloe labobeli,...*

*...'nete, ke re ho uena, Motho ha a sa tsoaloe
labobeli, o sitoa ho bona 'muso oa Molimo.*

¹³⁰ U kena joang ho Eona? Ho tsoalloa ho Eona. Ha re tsoeleng pele re bale potso eo.

*Nikodema a re ho eena, Na motho a ka tsoaloa joang
a s'a tsofetse?...*

Le a 'mona mono, moruti eo, ea nameng, monna ea phahameng, moprista, ea holileng, ea balileng Bibele bophelo ba hae bohle.

*...na a ka boela a khutla popelong ea 'ma'e, a boela
a tsoaloa?*

Joale, ana ha e ts'oane le baruti bana ba hlalefileng bao le ba utloang kajeno?

*Jesu a araba a re ho eena,...'nete ke re ho uena,
Motho ha a sa tsoaloe ka metsi...(Re kena joang ho
Oona?)...ka metsi le...Moea, o sitoa ho kena
'musong oa Molimo.*

¹³¹ "Ha a sa ngolise ho Oona"? U ke ke ua ngolisa ho Oona. U tlamehile ho tsoalloa ho Oona. E sang "tloo o ngolise." Tloo u tsoaloe!

*Se tsoetsoeng ke nama, ke nama; 'me se tsoetsoeng
ke Moea ke moea.*

*Se makale ha ke re ho uena, E ka khona u tsoaloe
labobeli.*

*Moea o foka moo o ratang teng,...u ke ke oa bolela
molumo oa oona, empa ha uk'u tsebe moo o tsoileng
teng, leha e le moo o eang teng: ho joalo le ho bohle ba
tsoetsoeng ke Moea.*

¹³² Le a bona, ha u ngolise ho Eona. Ke misteri. U tsoalloa 'Meleng oa sephiri oa Kreste. Ke kamoo u kenang ho Oona kateng.

Bakorinthe ba Pele, khaolo ea 12. Ha re khatheng tema nakoana. Re sa na le a 'maloa. Ke batla ho leka ho a fihlela ha nka khona. Hola feela le ka...Kea tseba ho a chesa, empa ha re qaleng mona, motsotso feela. Bakorinthe ba Pele, khaolo ea 12, temana ea 13.

"Hobane ka ho tsukutla letsoho hang, ka kano e le 'ngoe. Kea ana hobane ke lumela ho kereke e kholo ea Roma e halalelang. Tloo, u ntsukutle ka matsoho. Ngola lebitso la hao bukeng. Ka lengolo le le leng, u tla ka lengolo"? U ka e bala ho Almanaka Ea Tsoalo Ea Basalibaholo, empa u ke ke ua e bala Bibeleng ea Molimo. E, monghali. Ee.

Hobane ka Moea o le mong rona bohle re (ngolisitse, re rekotiloe?) kolobelitsoe (mokhatlong o le mong?) 'meleng o le mong, e leng 'Mele oa Kreste, leha e le ba-Jode leha e le Balichaba, leha e le ba ruiloeng leha e le ba sa ruoang; 'me re entsoe...bohle re nositsoe Moeeng o le mong.

¹³³ E seng moea oa Methodist, moea oa Baptist, moea oa Pentekosta. Empa, "Empa re kolobelitsoe ka Moea o le mong o Halalelang Sena se tletseng Mali."

Se montsoeng metsong ea Emmanule,
Ba'libe ba inoang qhubung leo,
Ba lahla koli tsohle tsa sebe.

Thabo ea sesenyi se shoang ha se bona
Liba seo letsatsing la hae;
Le 'na, leha ke le soto hakana,
Nke ke hlatsoe libe tsa ka teng.

¹³⁴ 'Mele o le mong! Re kena joang 'Meleng oo? Re kena joang ka ho Oona? "Ka Moea o le mong re kolobelitsoe 'Meleng o le mong." 'Me ha re le 'Meleng oo, re lokolohile, re na le kholiseho ea tsoho, "Molimo o Mo jarisitse makhopo a rona bohle." E seng ka "tumeliso e le 'ngoe ea letsoho," e seng "lengolo le le leng la kereke." Empa, "Ka Moea o Halalelang o le mong; mo-Jode, Molichaba, e mosehla, e mots'o, e mosoue, bohle ba kolobelitsoe ka Moea o le mong 'Meleng oo o le mong, ka Mali a selekane sa Hae ka Sebele." "Ke tla bona Mali, Ke le fete," le lokolohile lefung, le lokolohile lehlabeng, le lokolohile sebeng. "Ea tsoetsoeng ke Molimo, ha a etse sebe, kahobane Peo ea Molimo e lutse ho eena 'me a ke ke a etsa sebe." Sebe hase eo.

"Phethehang, joale ka ha Ntat'a lona ea Maholimong a phethehile," Jesu o itsalo. U ka phetheha joang? U ke ke ua khona. U tsoaletsoe sebeng, o bopetsoe bokhopong, o tlie

lefats'eng u bua mashano. Empa ha u amohela Kreste joale ka pelesa ea sebe sa hao, ha u Mo amohela ka tumelo, u lumela hobane O u pholositse, le hobane O u shoetse a nka libe tsa hao, eba Molimo o a u amohela le ho u kolobetsa 'Meleng 'me a ke ke a hlola a bona sebe. Nka ba moetsalibe joang athe ho—athe ho na le pheko e etselitsoeng 'na?

¹³⁵ Lepolesa le ka nts'oara joang motseng, athe melao ea motse e ntumella ho matha ka lebelo leo ke le mathang? U ke ke ua nts'oara. Ha ramotse a re, "Mor. Branham, u tatetse mehala ea bakuli. U ka khanna ka lebelo leo u le batlang, tulong efe kapa efe," a mphe lengolo le mpuellang mono, ha ho lepolesa le ka nts'oarang. Kahobane ramotse o a nts'epa, hore ke ne ke sa tl'o e etsa ho sa hlaha maemo a ts'ohanyetso.

¹³⁶ 'Me ha Molimo a na a nkamohela le ho nkolobetsa ka Moea o Halalelang, O na nts'epa nke ke ka etsa sebe ka boomo. Amen. Ke ne ke sa tl'o etsa sebe ka boomo. Ka baka leo, Mora oa Hae a nketsetsa pheko, 'me nke ke ka ba moetsalibe ha feela ke beiloe ea lokileng 'me A nkentse 'Meleng oa Hae. Ke lopolotsue le Eena. E seng seo ke se etsang, empa e le seo A nketselitseng sona. Ke Evangelie eo.

¹³⁷ Baefese 4:30, e re, "Le se ke la soabisa Moea o Halalelang oa Molimo o le ts'oaileng ho fihlela Tsatsi la Topollo ea lona."

¹³⁸ Ha se khale haholo, ha moreri ea tsebahalang oa Baptist a na a bua le 'na, a re, "Moena Branham, Abrahama o ile a lumela Molimo, 'me a balloa hoba hoo ke ho loka. O ne a ka etsa'ng ntle le ho lumela Molimo?" A re, "Rona re lumela re amohela Moea o Halalelang mohla re lumelang."

¹³⁹ Ka re, "Empa U fositse. U fositse ka ho ts'epahala. Pauluse o itse, ho Liketso 19, ho ma-Baptist a na ena le molisa e motle holimo mono, ramolao ea sokolohileng, 'Na le amohetse Moea o Halalelang ha e sa le le lumetse?'"

A re, "Ea mantlha ha e rialo."

¹⁴⁰ Ka re, "E rialo. Ke na le Emphatic Diaglott. 'Me e bua joalo, phetolelong e 'ngoe le e 'ngoe, ka se-Gerike le ka se-Heberu. O itse, 'Na le amohetse Moea o Halalelang ho tloha le lumetse?'" Ka re, "Abrahama o ile a lumela, ke 'nete. Empa Molimo oa mo fa lets'oao la hoba O amohetse tumelo ea hae, ka ho mo fa lets'oao la lebollo." Ke hantle. O ne a mo amohetse, hoba O mo fa lets'oao le bolelang ho mo amohela ha Hae.

¹⁴¹ Ha u re u a lumela, 'me u eso ho amohele Moea o Halalelang, Molimo ha eso u ts'oae, ha eso be le ts'epo e lekaneng ea ho u ts'epa. Ha u tla ho Molimo, Molimo o u ts'oaea ka Moea o Halalelang ho fihlela Letsatsi la Topollo ea hao. Ke Molaetsa oa Kereke oo. Amen. Ho tsoela pejana feela. Ho lokile. Joale, Bakotinthe ba Pele 12:13, "Ka Moea o le mong bohle re kolobeletsoa 'Meleng o le mong."

¹⁴² Liketso, mokhoa oa ho kena ho Oona ke ona. Hlomamiso ea Kereke ke ena, Liketso, khaolo ea 2. Mohla Molaetsa oa pele o ne o bolelloa Kereke, ka morao ho Letsatsi la Pentekosta, bohle ba ile ba tlala Moea o Halalelang. Maria, baapostola bohle, ba ile ba tlatsoa ka Moea o Halalelang bohle, ba bua ka lipuo, 'me ba etsisa sehlopha sa—sa—sa batho ba tahiloeng. Eare ba sa kene nakong e ts'abehang, ba hoeletsa feela ba rorisa Molimo, 'me ba reketla tlasa matla a Moea o Halalelang. Ba sa tsotelle leha e ne e le Sontaha, Mantaha, leha e ne e le letsatsi lefe. Ba ne ba nyakaletse haholo, ba hoeletsa ba its'oere joalo. Khele, bo—bo bahlalefi ba baholo ba re, "Batho bana ba khotse veine e bohale."

¹⁴³ Joale, Petrose ke enoa o eme ka linotlolo tsa 'Muso, lephakong la hae, linotlolo tsa Moea o Halalelang. Jesu o itse, "Ke re u Petrose. Holim'a lejoe lena Ke tla haha Kereke ea Ka, 'me lingalo tsa khoro ea bafu li ke ke tsa E hlola." Ke eng? 'Nete, e senotsoeng ka moea. "Ha se nama le mali tse u senoletseng Hona. Ha u a ithuta Eona kolesheng ea thupelo. Ha u a E rutoa ke motho, ka libuka. Empa, Ke ts'enolo u a bona. Ts'enolo! Ke re u Petrose. Ke u fa linotlolo tsa 'Muso. Seo u se tlamang lefats'eng, Ke tla se tlama Lehelimong. Seo u se lokollang lefats'eng, Ke tla se lokolla Lehelimong." O tlamehile ho boloka Lentsoe la Hae. Ka Letsatsi la Pentekosta, sebui e ne e le mang? Petrose, kahobane a ne a ts'oere linotlolo.

¹⁴⁴ 'Me ba ne ba ba ts'eha, ba re, "Batho bana ba khotse veine e ncha."

¹⁴⁵ Petrose a re, "Batho bana ha ba tahoa ke veine e ncha, etsoe e sa le hora ea boraro ea letsatsi. Empa hona ke Taba e neng e boleloe ke moporofeta Joele, 'Mehleng ea bofelo, ho bolela Morena, Ke tla ts'ela nama eohle ka Moea oa Ka. Ho be ho porofete bara ba lona le barali ba lona. Ke tla ts'ela bahlanka ba Ka ba batona le ba bats'ehali ka Moea oa Ka. Ba bacha ba lona ba tla bona lipono. Maqheku a lona a tla lora litoro. 'Me Ke tla etsa mehlolo holimo Lehelimong le tlase lefats'eng. 'Me e mong le e mong ea tla bitsa Lebitso la Morena o tla bolokeha."

¹⁴⁶ "Eitse ha ba utloa hona, ba hlajoa pelo, 'me ba re ho Petrose le ho baapostola ba bang, 'Banna ba heso, re tla etsa joang ho bolokeha?" Taelo ea Kereke ke ena. Joale ba batla ho fumana tsela ea ho kena "Meleng ona oa sephiri. Ho lokile.

¹⁴⁷ Liketso, khaolo ea 2, ho qala ka temana ea 37, Thero ea hlomamiso. Le ke ke la E fetola. Le ke ke la E fetola. Utloang.

¹⁴⁸ Ha ngaka ea hao e ngotse lengolo la litaelo, 'me u e isa chemising, ho ngakana-ka-hetla, u a tseba, a ka u bolaea ka lengolo leo la ngaka. U a bona, ngaka eo e ngola ha-kana mono, kahobane a koetliselitsoe hona. 'Me o ngola chefo e kana, 'me o kenya seloants'a-mahloko se se kana mono ho

bolaea chefo e kaalo. O tlamehile ho lekanya ho itseng ho thethefatsa moriana o mong. 'Me ha lengolo leo le sa sebetsoe hantle kamoo ngaka e le ngolang, e tla u bolaea.

¹⁴⁹ 'Me, eo, Molimo ke Ngaka. Ke Ngaka ea moea. Ke Ngaka ea Poloko. 'Me O ile a ruta monna Thutabomolimo ea Hae ka bo-Eena, Petrose, monna ea sa rutehang ea n'a sitoa le ho bala lebitso la hae ha le ngotsoe ka pel'a hae. Empa A mo fa Moea o Halalelang, 'me a mo fa pene ea ho ngola Thuto. Ka baka leo, ka Letsatsi la Pentekosta, o ile a ngola Lengolo la litaelo. Ha re boneng seo a se ngotseng. Ngaka Simone Petrose, ha re ke re shebeng Lengolo la hao la litaelo tsa poloko ke life. Ha re boneng ebe Le ne le ngotsoe'ng?

Itse ha ba utloa hoo, ba hlajoa lipelong, 'me ba re ho Petrose le . . . baapostola ba bang, Banna ba heso, re ka etsa joang?

(Hlokomela, u ts'oere linotlolo.) *Petrose a re ho bona, Bakang, 'me e mong le e mong oa lona a kolobeletsoe ka lebitso la Jesu Kreste ts'oareleng ea libe, 'me le tla nka neo ea Moea o Halalelang.*

Hobane pallo eo e etselitsoe lona, le bana ba lona, . . . ho ba leng hole kaofela, ba sa tlang ho bitsoa ke Morena Molimo oa rona.

¹⁵⁰ Ke leo Lengolo la ngaka. U se ke ua Le phenya-phenya; u tla bolaea mokuli oa hao. Ke bona bothata ka puo e atileng ena ea batho, "Ntate, Mora, le Moea o Halalelang." Ba bolaea batho ba bangata ba moeeng, ba sebetsoa ka ntho e fosahetseng. Ntho e joalo ha e eo. Ha ho motho ea kileng a kolobetsa, lebitso la "Ntate, Mora, Moea o Halalelang," ka har'a Bibebe. Seboka se joalo hase eso ho ts'oaroe ho fihlela kereke ea Katolike. Kereke ea Katolike ke 'ma eona ntho eo. Le batlisise Mangolo. Le batlisise histori le fumane. Tsamaiso ea pele e kileng ea etsoa ka "Ntate, Mora, le Moea o Halalelang," e ne e etsoa ke moprista oa Katolike.

¹⁵¹ Ba bafafatsa. Ho fafatsa ho tlotsitsoe ke kereke ea Katolike, "MMA LIOTSOA." E boela e ba "seotsoa" hape.

¹⁵² Katekisma e re, "Na Moprotestanta o ke a bolokehe?" Ho thoe, "Ka linako tse ling, ehlile, kahobane ba amoehela e-e thuto ea Katolike." Ha ba lumele Bibebe ea bona. Ba kolobetsa, ka lebitso la "Ntate, Mora, le Moea o Halalelang," homme ha ba na Lengolo la hoo. Ho re, "Empa kereke ea Katolike ke eona e e qalileng," 'me ba e lumela. "Ba bang ba ka bolokeha, ka litaelo tsa Katolike." Ntho e joalo ha e eo. Ha ho motho ea kileng a kolobetsa joalo. Ha ho motho ea kileng a fafatsa, ka har'a Bibebe, a horometsa, leha e le mokhoa ofe feela empa, ho quelisoa metsing, ka Lebitso la Jesu Kreste, ts'oareleng ea sebe.

¹⁵³ Re balile'ng nakoana e fetileng, 'me ke le boleletse, ke tla fihla ho eona hamamorao? Ho re, "Pako le ts'oarelo ea sebe e ka khona e boleloe ka Lebitso la Hae." Ho fihla kae? Jerusalema feela, ho ba-Jude? "Lichabeng tsohle, lefats'eng lohle, ho qala Jerusalema." Joale, Ngaka Simone Petrose o ngotse Lengolo la ngaka.

¹⁵⁴ Le re'ng, lona lingaka, ana le leka ho sotetsa ntho e 'ngoe ho Lona? Le se ke la eketsa letho ho Lona. Le nkeng kamoo Le leng kateng. Ke taelo ea Kereke eo. Ke kamoo le kenang ho Eona, "Ka ho baka, le ho kolobetsoa ka Lebitso la Jesu Kreste ts'oarelong ea libe tsa hao, le ts'episo ea hobane u tla amohela Moea o Halalelang." Joale, ke seo Bibele e se buileng, "Ho kolobeletsoa ka har'a Kereke! Ho kolobeletsoa ka har'a Kereke!"

¹⁵⁵ Ha re baleng Bagalata 3:26, motsotsso feela. Re sa na le ntho e le 'ngoe, tse peli, kapa tse tharo hape mona, re tla—re tla lokela ho koala. Joale ha re baleng mona ho Bagalata, khaolong ea 3. Motho ea e fumanang pele ho 'na, a e bale. [Khaitseli e mong o bala Bagalata 3:26, "Hobane bohole le bara . . ." —Mong.] Tsoelapele. ["Hobane bohole le bara ba Molimo ka ho lumela ho Kreste Jesu."] Bagalata 3:26? ["Ke e balile."]

Mohlomong ke le balile, ke le ngotse ka phoso mona, nakong eo. Mohlomong ke Bakolose. Ha re baleng Bakolose. Ke—ke tseba moo ke neng ke ea teng. Ha re shebeng ha se Bakolose 3:26 na. Che. Ha ho na 3:26.

Ebe ke'ng joale, Bagalata 3:26? [Khaitseli o re, "Ee." —Mong.] Ke lena, ke lena ke le fumane. Ke 'nete. Bala u tsoelepele, khaitseli, Bagalata 3:26, kaha u se u qalile. Ke lena, 26, 27 le 28. Joale le mamele ka hloko. [Khaitseli eo o bala Bagalata 3:26–28, ka mokhoa o latelang.]

*Hobane bohole le bara ba Molimo ka ho lumela ho
Kreste Jesu.*

*Hobane lona bohole ba kolobelitsoeng ho Kreste le
apere Kreste.*

*Ha ho sa le mo-Jude leha e le mo-Gerike, ha ho sa le
ea ruiloeng leha e le ea sa ruoang, ha ho sa le monna
leha e le mosali: hobane kaofela ha lona le ntho e le
'ngoe ho Jesu Kreste.*

¹⁵⁶ Re kena joang 'Meleng ona? Re khonne joang? "Ho kolobeletsoa ka Moea o Halalelang, 'Meleng oa Kreste Jesu."

¹⁵⁷ Joale, ntho e 'ngoe eo Molaetsa oa Kereke o leng eona, kamoo re kenang ka har'a Kereke, ke ka khalaletso. 'Me khalaletso, Baheberu 13:12 le 13, "Ka baka leo Jesu le eena A tle a halaletse sechaba ka Mali a Hae, o kile a shoela ka ntle ho menyako."

¹⁵⁸ Joale, Baefese, ha re feteleng mona. Re tlamehile ho le bala. Baefese 5:25, ka potlako joale. Baefese 5:25. Ho lokile. Ke rona bana, 5:25. Che, ke sa ntse ke ts'oere ntho e phoso. Ha ke a le ngola ka nepo mona. Ha re boneng. "Ka baka leo, baboleli ba lentsoe le baprista . . ." Oh, ee. Ke ne ke ngola ntho ena, ka potlako, nakoaneng e fetileng, mohlomong ke ngotse ka phoso. . . Oh, ke ts'oere leqepe le phoso. Ke eona E. Amen. E. Ho lokile.

¹⁵⁹ Baheberu 12 le 13, "Ka baka leo Jesu le eena A tle a halaletse sechaba ka Mali a Hae, o kile a shoela ka ntle ho menyako."

¹⁶⁰ Ka baka leo, lona batho, mokhoa oa ho tla le Kereke ke oona: ka ho baka; ho kolobetsoa ka Lebitso la Jesu Kreste ts'oarelong ea libe tsa rona; le ka pallo ea hoba re tla nka kolobetso ea Moea o Halalelang. Ka baka leo, ha ho 'moleli ea ka re tsukutlelang ka har'a Eona. Ha ho moprista ea ka re ants'ang ka har'a Eona. Empa re tsoaloa ka har'a Eona, ke Morena oa 'Muso oa Messia. Amen.

¹⁶¹ Joale, taba ena feela, na nka ts'oarana le e 'ngoe ena hape? Moo ke ne ke le teng ke mona. Ba tla lula le 'na metsotso e 'maloa ke bo mang? [Phutheho e re, "Amen."—Mong.] Le a bona? Feel a . . . Ke mashome a mararo ka morao ho robong, 'me nako e tlotse.

¹⁶² Joale, na re ka fihla Leholidong ka ntle ho Kereke? Ke batla ho etsa litlhahiso tse 'maloa mona, kahobane ke batla ke ngotse tse 'maloa mona, kamoo le bonang. Empa ke—ke . . . ntho e le 'ngoe feela, re tle re tsebe. Che, monghali. U ke ke ua fihla Leholidong ha u se setho sa Kereke ena.

¹⁶³ Joale, ntho ea pele, ho Johanne 3:5, Jesu o itse, "Motho ha a sa tsoaloe ka metsi, le ka Moea!" ("Bakang, le kolobeletsoe, Lebitso la Jesu Kreste ts'oarelong ea libe, 'me le tla tsoaloa ke Moea.") Ho tsoaloa ka metsi, ho tsoaloa ka Moea! "Motho ha a sa finyelle ntho Ena, a ke ke a kena le 'Musong oa Leholido." A ke ke a bona le 'Muso oa Leholido. Joale ha u tsoetsoe ka metsi le Moea, u ka har'a Kereke. Ha u sa tsoaloa ka metsi le ka Moea, ha u ka har'a Kereke, 'me u sitoa ho bona 'Muso oa Leholido. Ana taba eo e etsa kelello ho lona? [Phutheho e re, "Amen.—Mong.] E lokile hantle. Joale, ana le ne le tseba . . .

¹⁶⁴ U ka re, "Be, Moena Branham, kea lumela," che, mamela, "homme ha ke eso ho amohele Moea o Halalelang." Che, ha u eso lumele. U mpa u *lumella* tumelong. U na le ts'epo.

Hoba, ho Bakorinthe ba Pele, khaolo ea 12, le temana ea 3. Ha re le phamoleng ka potlako re sa le haufi le lona, ha le batla. Bakorinthe ba Pele 12, khaolo ea 12 le temana ea 3. 'Me re tla le nka ka potlako ruri, le—le ho bala sena mona, 'me re shebe seo Morena a re beetseng sona Mona. Bakorinthe ba Pele 12, ho lokile, le temana ea 3.

Ke moo ke le tsebisang, hoba ha ho motho ea nts'a bua ka Moea oa Molimo ea ka bitsang Jesu anathema: 'me ha ho e mong ea ka bitsang Jesu Morena, ha e se ka Moea o Halalelang.

¹⁶⁵ Pele u amohela Moea o Halalelang ha u tsebe letho. U ka re, "Ke amohela Jesu Kreste joale ka 'Moloki oa ka." Na u amohetse Moea o Halalelang ho tloha u lumetse? Ha u eso etse joalo, u ke ke ua 'Mitsa Morena, hobane ha se Morena. Ke Motho oa histori, eo u mo amohetseng, ka tumelo. Empa ha A kene ka ho uena, ka Moea o Halalelang, Ke Morena oa hao. Ha ho motho ea ka bitsang Jesu, "Morena," ha e se ka Moea o Halalelang; pele u tsoaloa ka Moea oa Molimo, 'me le Moea o Halalelang o lutse ka ho uena. Joale, ha ho fela ho le joalo, u tsoaletsoe 'Musong 'ona, 'me u karolo ea Kereke. Le ba Bitsitsoeng, joale he. U a e bona? [Phutheho e re, "Amen."—Mong.] Ho lokile, joale.

¹⁶⁶ Na bophelo bo ka tsoa tlhakung, empa tlhaku eo e se na bophelo ka ho eona? Ha tlhaku ea koro e kena mobung, e 'ngoe e a mela, 'me e 'ngoe ha e mele. E sa melang, na e ka boela ea phela? [Phutheho e re, "Che."—Mong.] Le ho leka. Ha ho letho ka ho eona. Leha, ka tlhaho, e ka sebetsa hantle, e ka etsa lijothollo tsa koro joale ka e 'ngoe. E tla etsa bohobe ba koro joale ka e 'ngoe. E tla shebahala e ts'oana le e 'ngoe shelfeng. Empa ha e se na bophelo ho eona, e ke ke ea tsoha hape.

¹⁶⁷ Monna ea lokileng, e ka ba setho se lokileng se tsamaeang kereke joale ka Mokreste. Monna ea lokileng, e ka ba moahi ea lokileng joale ka Mokreste; monna ea lokileng, monna ea boits'oaro bo botle. Empa mohla a shoang, ho felile, ha a sa tsoaloa labobeli ke Moea oa Molimo. Hobane, ntho e 'ngoe le e 'ngoe e nang le qalo e na e le qetello.

¹⁶⁸ Molimo ke eona feela ntho e hlolang ka ho sa Feleng. Ka baka leo, re karolo ea Molimo, ka ho amohela Bophelo ba Hae. Jesu o itse, "Ke ba fa Bophelo bo sa Feleng." Lentsoe la se-Gerike mono ke Zoe, e bolelang "Bophelo ba Molimo ka Sebele." 'Me mokhoa oa ho boela u phela hape ke ho fumana Bophelo bo sa Feleng, e leng Bophelo ba Molimo, hobane bophelo ba hao bo tla timela. Empa bophelo ba Hae bo tla boela bo tsosoa, hobane Molimo o hlola ka ho sa Feleng. 'Me u ruile Bophelo bo sa Feleng, 'me u ka... ke ke ua shoa joale ka ha Molimo a ke ke a shoa. "Ea lumelang ho 'Na o na le Bophelo bo sa Feleng, 'me 'Na ke tla mo tsosa tsatsing la bofelo, ke tla boela ke mo tsosa." Bophelo bo sa Feleng bo ka ho eena bo tla boela bo mo tsosa.

¹⁶⁹ Joale, na re ka kena Lehelimong re se ka har'a Kereke? U ke ke ua ba ka har'a Kereke u sa tsoaloa labobeli. U ke ke ua kena Lehelimong u sa tsoaloa labobeli. Ha u tsoetsoe labobeli,

u ka har'a Kereke. Ka baka leo u ke ke ua kena Leholimong pele u fetoha setho sa Kereke ena, 'me u ke ke ua ba setho pele u tsoalloa ho Eona.

¹⁷⁰ Joale ha nke ke le bipetse nakoana. 'Me le ke ke la fetoha setho Molimo a sa le bitsetsa ho ba setho. Joale, le tlamehile ho thabela hoo hakakang, hobane le rereiloe pele lefats'e le theoa. 'Me lebitso la hao... Shuu! "Mabitso a lona a ngotsoe Bukeng ea Bophelo ea Konyana," Buka ea Kereke, "pele ho theoa lefats'e." Ke Bibebe eo.

Bibebe e itse, "Anti-Kreste," mekhatlo, kereke ea Katolike hammoho le mekhatlo eohle, mekhatlo, "o tla thetsa bohle holim'a lefats'e, bao mabitso a bona a sa kang a ngoloa Bukeng ea Bophelo ea Konyana pele ho theoa lefats'e."

Jesu o itse, "Bohle bao Ntate a 'Neileng bona ba tla tla ho 'Na." 'Me ke Lentsoe la Hae ka Sebele leo. E seng seo u se entseng, empa seo A se entseng.

¹⁷¹ Ha re batalatseng taba eo, motsotso. Ha re phetleng ho Baefese, khaolo ea 1, ka potlako ruri. Mamelang taba ena. Enoa ke Pauluse. Joale, o ne a tlamehile ho tsoela pele ka phetheho le Kereke ena. Pauluse taba ena o e lebisitse ho Bakreste. Ho na le Bakreste ba bakae ka mona? Ha re bone letsoho la hao. [Phutheho e re, "Amen."—Mong.] Ho lokile. Taba ena ha ea etsetsoa masea, joale. Ena ke ea—ena ke ea ba khonang ho ja nama. Joale, khaolo ea 1, bonang o E lebisa ho mang.

Ke le Pauluse, moapostola oa Jesu Kreste ka thato ea Molimo, ... (e seng ka tlotso ea bishopo, e seng ke mokhatlo).

... moapoastola (ea romiloeng) ka thato ea Molimo, ke ngolla bahalaleli (ba hlatoitsoeng, kapa ba halalelitsoeng) ba Efese, e leng ba lumetseng ho Kreste Jesu:

¹⁷² Taba ena o E ngolla bo mang? Ho ba seng ba le ka har'a Kereke. Ha u le ka ho Kreste, o ka har'a 'Mele oa Hae. Na ke 'nete? [Phutheho e re, "Amen."—Mong.] Joale le tla be le le litho tsa Kereke.

A le ke le neoe, mohau le khotso, ke Molimo Ntat'a rona, le... Morena Jesu Kreste.

Ho bokoe Molimo Ntat'a Morena oa rona Jesu Kreste, o re hlohonolofalitseng ka mahlohonolo 'ohle a moea maholimong ho Kreste Jesu:

¹⁷³ Hoo O ho entse joang? O e entse ka'ng? Ba ne ba fihlile Jordane. Ba ne ba ts'etse ba kene Lefats'eng la pallo, 'me ba ne ba lutse libakeng tsa Maholimo ka ho Kreste Jesu. Ke ena moo e leng teng. "O re hlohonolofalitseng hammoho ka mahlohonolo Maholimo," thuto ea Lentsoe, joale ka Kereke, ba

Bitsitsoeng ba ka ho Kreste Jesu. "Re sa lutse hammoho libakeng tsa Maholimo," joale ka Kereke, ha u tsoaletsoe ka ho Kreste Jesu. "Bahalaleli, ba Bitsitsoeng," khele, banna, motho eo A ka mo rutang ntho e itseng. O kopane le mathata a mangata ho Bakorinthe, empa e seng Kereke ena. A ka khona ho ba ruta, lintho tse kholo. Ho lokile.

Ho bokoe Molimo Ntat'a Morena oa rona Jesu Kreste, ea re hlohonolofalitseng ka mahlohonolo 'ohle . . . (Le hopola Melaetsa ea ka e 'meli ea ho getela?) . . . mahlohonolo 'ohle a moea maholimong ho Kreste:

Kamoo . . .

Mamelang. Taba ena e ke e le tsukutle joale.

Kamoo o re (lekhathel-fetile) khethetseng ho eena . . .

"Tsoseletsong ea ho qetela"? Na ke le balile hantle? [Phutheho e re, "Che." —Mong.]

Kamoo o re khethetseng ho eena pele ho theoa lefats'e, . . . (Shebang mona) . . . ha o no o e-so ho thee lefats'e, hore re tle re halalele 'me re hloke sekoli pel'a oona leratong:

Hobane o no o re r-e-r-e-p-e-l-e . . .

¹⁷⁴ Re entse'ng? Letho. Ke batlana le seo A se entseng. O se entse neneng? O re khethile, oa ngola mabitso a rona Bukeng ea Hae, Bukeng ea Hae ea Kereke, ho ba setho sa 'Mele ona oa sephiri, le pele lefats'e le qala.

'Me kaha o no o rere pele ho re bea bana ba oona ka Jesu Kreste, ka ketso ea Hae ka Sebele boithatelo ba oona,

¹⁷⁵ Shuu! U tlamehile ho kena Kerekeng eo, moena, ha u khona, kahobane O tlela Kereke. Ke kereke ea mofuta ofe? "Kereke e se nang sekoli, leha e le letsika." Re ka ba joalo joang? Ka ho shoa ka ho Kreste, ho kolobeletsoa 'Meleng oa Hae oa sephiri ka Moea o Halalelang, 'me pheko ea Mali a Mora oa Molimo e robetse mono bakeng sa rona hora e 'ngoe le e 'ngoe ea letsatsi. "Ho fumanoa e hloka sekoli," ke eona Kereke, "e se nang letheba, leha e le letsika." O re khethetse ho Eena, oa ngola mabitso a rona Bukeng ea Hae.

Bibele e itse, "Jesu Kreste e ne e le Konyana e hlabiloeng . . ." Lilemo tse sekete le makholo a robong tse fetileng? Khale hakae? "Konyana e hlabiloeng ho tloha mohla ho no ho theoa lefats'e."

¹⁷⁶ Mohla, "Molimo," ka Bibeleng, lentsoe la Genese, Genese 1. Ho thoe, "Ts' imolohong Molimo . . ." Nkang lebitso leo *Molimo* ka Seheberu, le shebe se boleloang ke lona. Le peletoa *El, Elah,*

Elohim, e bolelang “tsohle, Ea leng teng ka bo-eena, Ea ruileng bokhoni bohole, Ea matla.” Ha ho letho le tlileng pele ho Hoo. Moea o no o le sieo. Linaleli li le sieo. Mongobo o no o le sieo. Ho no ho se—sebaka se ne se le sieo. Liatomo li ne le sieo. Limolekule li ne li le sieo. Ha ho letho le tlileng pele ho Hoo. E ne e le Molimo, RabosaFeleng. ‘Me ka ho Eena ho ena le bokhethi, ho ba Mopholosi, ho ba Ntate, ho ba Molimo. Mono, E ne e se Molimo, mohlang oo. E ne e le—E ne e le Molimo, empa ho no ho se letho, ho se ntho e rapeloang. Ka baka leo, *Molimo*, “ke tlotla e rapeloang,” ‘me ho se letho Ho mo rapela. Ka baka leo litholoana tsa ho fetoha hoo li ne li le ka ho Eena, ho ba Mopholosi, ho ba Mofolisi, ho ba lintho tsena tsohle tseo A leng tsona.

¹⁷⁷ Ka baka leo, ntho ea pele O ile a bopa. Joale, bang ba lona le batla ho tseba pale ea ka ea Genese. Molimo oa re, “A re etseng motho.” Ntho ea pele A e bopileng e ne e le Mangeloi, ho Mo khumamela, eaba O fetoha Molimo. Joale eitse ha A re, “A re etseng motho ka sets’oants’o sa Rona,” O ile a etsa motho oa mofuta ofe? Motho oa moea. Joale, eitse ha A etsa motho eo, A mo nea taolo. Eaba O etsa motho ka lerole la lefats’e. Eaba, o a oa; ‘me A fetoha Mopholosi. Modimo, e ntoo ba Mopholosi. Sebe sa hlahisa maloetse, eaba O fetoha Mofolisi. Alleluia! Ha ho letho le tsamaeang ka phoso. Ntho eohle O e tsebile, le pele lefats’e le boptjoa. O tsebile hobane re tla ts’oara kopano ena bosiung bona. O tsebile kokoanyana e ’ngoe le e ’ngoe e ne e tla ba teng holim’a lefats’e, le bongata ba ts’otso eo e tla e etsa, le makhetlo ao e neng e tla taba-tabanya mahlo a eona. Ke Molimo o se nang pheletso. O tseba lintho tsohle. Amen. Ha o a thaba, bosiung bona, ha lebitso la hao le ngotsoe Bukeng? [Phutheho e re, “Amen.”—Mong.]

Mehopolo ea ka e metle joang
 Malebana le Nonyana e kholo e Mebala,
 Ba re Lebitso la Eona le ngoliloe
 Maqepheng a Lentsoe le Halalelang la
 Modimo.
 Linonyana tse ling li E teela hare,
 E nyefoloa ke tsona kaofela.

¹⁷⁸ Nonyana e mebalabala eo e ne e le eng? Ke hanetsa motho ea itseng seo s ene se fosahetse. Nonyana e mebalabala ea Bibele e ne e le eng? E ne e se Iseraele, joale ka ha ba boletse. E ne e le Kereke ea Jesu Kreste.

Nyehelo ea sebe, ba ne ba e etsa ka’ng? Ba ne ba nka leebakhorona, ba motsule hloho ea le leng ba e hlanamise, ba ntoo ts’olla mali holima molekane ea phelang, ebe ba lokolla molekane eo. ‘Me molekane, eafafalitsoeng, o tletse mali a molekane ea shoeleng, o ne a haola le lefats’e, a le fafatsa ha nts’ a pheula liphuka tsa hae. ‘Me mali a na a qaphaletsa lefats’e, a ntse a hoeletsa, “Ua halalela, ua halalela, ua halalela, Morena! Ua halalela, ua halalela, ua halalela, Morena!”

¹⁷⁹ E ne e le papiso ea Kreste. 'Me nonyana e kholo e mechatochato ke Kereke e qaphalelitsoeng ke Mali a Molekane oa Eona ea shoeleng, Mopholosi, Jesu Kreste. 'Me E tsamaea lefats'eng kajeno, e ntse e pheula liphuka tsa eona, e hoeletsa, "Ua halalela, ua halalela, ua halalela, Morena!" Amen! Ke thabile haholo ha ke E tseba. Ke thabetse ha lebitso la ka le ngotsoe Bukeng ea Eona, ha lea ngoloa ka baka la ho loka ha ka; che monghali, ke ne ke sa tl'o ba teng Mono, kapa ka ho loka ha hao. Empa ka ho loka le ka mehauhelo ea Molimo, pele ho theoa lefats'e, o ngotse mabitso a rona Bukeng ea Hae.

¹⁸⁰ Boitsebiso ba Kereke ke bofe? E tlamehile ho ba eng? E ne e le eng? Ke eng? Sehlopha se bitsitsoeng.

Ke Mang ea E theileng? Jesu Kreste. E seng bishopo, e seng kereke ea Katolike, e seng Methodist, e seng Luther, e seng Wesley. Che, monghali. Ke Mang ea E theileng? Jesu Kreste.

Molaetsa oa Eona ke ofe? Pako, kolobetso ea metsi, kolobetso ea Moea o Halalelang, pholiso ea Khalalelo, pholoso.

Re fetoha setho sa Eona joang? Ka ho tsoalloa ho Eona.

Na re ka finyella Leholimong ka ntle ho Eona? Che, monghali. "Hobane ba shoeleng ho Kreste Molimo o tla ba hlahisa le Eena," 'me ha se—ha se mang le mang ha e se ba shoeleng ho Kreste feela. Jesu o tlela ba shoeleng ho Kreste. Baefese 4, khaolo, e itse... Che, Bagalata, kea kholoa ke eona, khaolo ea 4. Ho boletsoe, ha thoe, "Hobane ba shoeleng ho Kreste Molimo o tla ba hlahisa le Eena. Ba shoeleng ho Kreste Molimo o tla ba hlahisa le Eena."

¹⁸¹ Joale, ka baka leo, ke sehlopha se bitsitsoeng, 'Mele oa sephiri. Ke Kreste ea E beileng taolong. Pele A shoa, O buile ka ho tla ha Eona, A re, "Ke tla boela ke khutla ke fetoha Morena oa 'Muso ona. Ho se ho se hokae 'me lefats'e ha le sa tla Mpona, empa lona le tla Mpona. Le ke ke la kena-kenana le muso oa lefats'e ka letho."

¹⁸² Ke ka hona ba ferekaneng ha kana, ba bitsoa "Babylona." E mong, "Be, ho bokoe Molimo, ke mo-Presbyterian. Ho bokoe Molimo, ke mo-Methodist. Ho bokoe Molimo, ke..."

Ho bokoe Molimo, ke mo-Kreste. Amen. Ke moo. Ke tseba joang hoba ke eena? "Mehlolo e tla tsamaea le ba lumelang ke eona ena." Le a bona? Ke seo setlankana sa hao sa boitsebiso. U se ke ua re, "Be butle, kea kholoa ke ts'oere setlankana sa botho." Che. Ha ke na sona. Sa ka se holimo Koana. Nka 'na ka lahleheloa ke sa tlase mona. Empa O itse ho 'na, "Le pele lefats'e le theoa," O mphile setlankana sa ka sa boitsebiso, ho fa e mong le e mong ea kenang 'Musong. Se bolokiloe Leholimong, ka baka leo lintho tsohle li lokile. Ke thabile haholo. Ke...

¹⁸³ Motho e mong o re, “Ke ile ka batla Molimo. Ke ile ka batla Molimo.” Taba eo e thulana le Bibele. Ke Molimo ea u batlang, ha se uena ea batlang Molimo. Molimo oa ea holimo-le-tlase ts’imong ea Edene, a hoeletsa, “Adama, u ho kae?” Ho sa hoeletse Adama, “Molimo, U ho kae?” E ne e le Molimo ea hoeletsang, “Adama, u ho kae?”

¹⁸⁴ Khele, ke thabetse ha ke le setho sa Eona. Ha lea thaba na? [Phutheho e re, “Amen.”—Mong.] Ke thabetse Kereke e kholo ena haholo. Ke masoabi ha ke le ts’oareletse nako e telele ha kana. Empa na le lumela Kereke e kholo ena? [“Amen.”] Le lumela ho Eona? [“Amen.”] Le a lumela hobane Ke ’Mele oa sephiri? [“Amen.”]

¹⁸⁵ Joale, lona batho ba Katolike, ntho feela e ka etsoang ho ba setho sa Eona ke ho amohele Jesu Kreste le ho tsoaloa ka Moea. Lona Baptist, lona Methodist, Presbeterian, Lutheran, le ka ba eng, utloang mona. Le se ke la nahana ha ke emela ma-Pentecostal. Ke bakoenehi ba Pentekosta joale ka kereke efe kapa efe. Ke hantle haholo. Ba kena ka lebitso le maipolelo feela. Ke phetho. Empa, ha ba rua, letho. Ke hantle Hobane, ha le tsoetsoe ke Moea, le fetoha ‘mopuoa e mocha, ’me Molimo o qala a sebetsana le lona joalo ka bara, ’me le tsamaisoa ke Moea oa Molimo. Ho sa tsotellehe u setho sa mokhatlo ofe, hoo ha ho . . . Empa e le nthoana ea khale, tsamaiso ea lefats’e, e tla feta. Empa na u setho sa ’Mele o moholo ona oa sephiri oa Kreste? [Phutheho e re, “Amen.”—Mong.] Ha ho se joalo, ak’u Mo amohele, bosius bona, re sa inamisa lihloho tsa rona motsotsotshapelang.

¹⁸⁶ Re sa ntse re nahana joale, ho na le ba ka phahamisang letsoho la bona mona ba re, “Molimo, ke U phahamisetsa letsoho la ka, nketsi setho sa Kereke eo, bosius bona. Mphe Tsoalo, E tle e be ea ka. Na U mpitsitse, Morena? Ha ho le joalo, ke batla ho ba setho sa Kereke eo. Ke setho sa o mong oa mekhatlo ena ea lefats’e, empa ha ke e-so fumane boiphihlelo. Ha ke na matla a ho leleka matemona le ho etsa lintho tsena, joale ka ha U itse li tla tsamaea le molumeli. Ha ke e-so amohele Hoo le joale, Morena. ’Me U boletse, ua re, ‘Mehlolo e tla . . .’ Tla e bolela hore U tla e phetha. Mphe matla, Morena.”

¹⁸⁷ Molimo a u hlohonolofatse. Molimo a u hlohonolofatse, le uena, le uena, bohole ba phahamisitseng matsoho a lona. Molimo a le hlohonolofatse a le fe matla ao, ho ba setho sa Kereke e kholo ena, Kereke ea Jesu Kreste.

Motho e mong hape, pele re hlahisa thapelo? Molimo a u hlohonolofatse, mofumahatsana. Molimo a u hlohonolofatse, khaitseli. E, ke bona matsoho a lona morao mono. Molimo a u hlohonolofatse, ka mona, ke bona letsoho la hao, mora. Ke bona matsoho a hao mona, moena. E. Molimo a u hlohonolofatse. Le uena, ea monyenyanne mono, ngoananyana. Molimo a u hlohonolofatse.

Motho e mong hape, phahamisa letsoho la hao feela. Molimo a hlohonolofatse khaitseli enoa ea lutseng *mona*. “Ke batla ho ba setho. Ke Mali a Hae holim’ a ka, ha ke tsoa mohahong ona bosiung bona, ke tle ke tsue ’me bophelo ba ka bo ntse bo hoa, ‘Ua halalela, Morena” Molimo a u hlohonolofatse morao moo, mora. Molimo a le abele mahlohonolo ana. Motho e mong joale, phahamisa letsoho la hao? Motho e mong ea re’ng, “Molimo, nkauhele.”

Ha le batla ho nyolohela aletareng, bakeng sa polelo ea thapelo, re sa bina thoko ena.

Tloong hae, tloong hae,
Tloong ba khathetseng, tloong hae.

Ha u sa kholiseha ka maemo a hao, ke u mema ho tla.



LIPONAHATSO TSE HLANO TSE TIILENG TSA

KEREKE EA ’NETE EA MOLIMO O PHELANG SST60-0911E

(Five Definite Identifications Of The True Church Of The Living God)

Molaetsa wona o tlileng ka Moena William Marrion Branham, o rerilweng tshimolohong ka Senyesemane ka Sontaha mantsiboya, Lwetse, 11, 1960 mane Tabernakeleng ya Branham mane Jeffersonville, Indiana, U.S.A., o ntshitswe mabanteng a kgatiso a makenete mme o ngotswe o sa kgutsufatswa ka Senyesemane. Phetolelo ena ya Sesotho sa Borwa e phatlaladitswe ka 2004 ke ba ha:

©2004 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org